

釋

名

疏

證

補

釋名疏證補卷第四

長沙王先謙撰集

釋言語第十二

釋飲食第十三

釋采帛第十四

釋首飾第十五

釋言語第十二

道導也所以通導萬物也

葉德炯曰淮南繆稱訓道者物之所導也

德得也得事宜也

畢沅曰德說文作惠云外得於人內得於己也从直从心然則今通作德別也王啟原曰

禮樂記德者得也賈子新書道術施行得理謂之德

文者

畢沅曰當云文彰也

會集眾采以成錦繡會集眾字以成詞誼

畢沅曰誼

本皆作義乃威義字也說文義己之威義也从我从羊鄭注周禮肆師云故書儀爲義鄭司農云義讀爲儀古者書儀但爲義今時所謂義爲誼然則此當作誼

如文繡然也

武舞也征伐動行如物鼓舞也故樂記曰發揚蹈厲太公之志

也畢沅曰樂記鄭注發揚蹈厲所以象威武時也

仁忍也好生惡殺畢沅曰說文引商書無有作敢然則此好當作敢俗通用好字無別矣善含忍

也畢沅曰廣韻引作善惡含忍也一切經音義引作善惡含忍之也御覽引曰仁忍也性惡殺好善含忍之也

誼畢沅曰本皆作義辨說見上宜也義辨說見上裁制事物使合宜也畢沅曰說文誼人所宜也从言宜宜

亦聲案春秋繁露仁義法篇曰春秋之所治人與我也所以治人與我者仁與義也以仁安人以義正我故仁之為言人也義之為言我也言名以別矣據董子所言義从我我亦聲漢人說字亦有異同義字不必定非但此訓宜自與說文合漢書凡義字多作誼故

今定作誼

禮體也得事體也畢沅曰廣韻引作得其事體也御覽引作言得事之體也又禮記禮器曰禮也者猶體也

體不備君子謂之不成人設之不當猶不備也得事體乃所謂當乃所謂備也

智畢沅曰說文智从白亏知今省作智知也無所不知也

信申也言以相申束使不相違也

畢沅曰御覽引無言以二字皮錫瑞曰儀禮士相見禮注

古文伸作信穀梁范甯解

云信申字古今所共用

孝好也愛好父母畢沅曰說文恣从心如所說好也畢沅曰爾雅善父母

為孝經說曰孝畜也畜養也畢沅曰禮記祭統曰孝者畜也順

孝經說蓋孝經緯援神契之文曰庶人孝曰畜言者含畜為義

慈字也字愛物也王先慎曰說文慈愛也字乳也愛也徐鍇云左傳大不字小字愛也

友有也相保有也王先慎曰荀子大略篇友者所以相有也楊注友與有同義白虎通三綱六紀篇友者有

也左傳季友鹽鐵論殊路篇引作季有論語學而顏淵釋文並

云有本作友二字義同故通用公羊定四年傳朋友相衛相衛

保也即相恭拱也自拱持也亦言供給事人也畢沅曰御覽引作亦言供給事人恭警也案說文龔

給也後人皆作供不作

龔或以龔代恭字用

悌弟也畢沅曰說文無悌字古通用弟古孝經有悌字見汗簡

敬警也恒自肅警也

王先慎曰毛詩大雅既敬既戒鄭注周禮夏官序用韓詩作既儆既戒一儆字觀

雞鳴序夙夜警戒釋文警本作敬是敬警二字

古通用常武箋云敬之言警也說文敬肅也

漫漫也

畢沅曰說文無漫漫心無所限忌也蘇輿曰詩蕩傳滔漫也釋文本又作

慢慢漫同漫漫為無涯際之兒

泉賦注甘故云心無所限忌

通洞也無所不貫洞也

葉德炯曰淮南原道訓與天地鴻洞高注洞通也王充論衡超奇上通下達故

曰洞

歷

達徹也

葉德炯曰說文通達也漢書高帝紀通侯諸將注引應劭云通亦徹也此因達有通訓故又以徹訓達

敏閔也進敘無否滯之言也故汝穎言敏如閔也

畢沅曰如本皆作曰從段

校本改蘇輿曰說文敏疾也即無否滯之義又禮中庸注云敏

勉也凡事勉則疾速無滯義相成書君奭僞孔傳閔勉也是敏

閔同有勉意閔又同黽勉連文黽亦勉也進敘當作進

取進取亦黽勉之意取敘形近而譌先謙曰吳校敘作取

篤畢沅曰篤

築也築堅實稱也

蘇輿曰釋詁篤厚也厚則堅實義相成說文築擣也凡擣築務

古作竺

堅實

故云

厚畢沅曰古作厚後也有終後也先謙曰俗薄則罔終故青徐人言厚

如後也畢沅曰如本皆作弓有后木注謂魯孝公子惠伯鞏之後據世本則惠伯

名鞏字厚左傳之厚成叔其後也禮記作后左氏或又作邱字皆假借字經典多假后為後故厚後音訓相通

薄迫也單薄相逼迫也畢沅曰逼从人畐聲俗書从辵非先謙曰輕少之薄與逼近之薄本二義此通

一為

懿優也言奧優也畢沅曰胡本作優奧蘇輿曰小爾雅廣詁懿深也詩七月毛傳懿筐深筐也孔疏懿者深

逮之言此以奧優釋懿蓋取深邃之義本書釋天陰蔭也氣在內奧蔭也奧蔭即深邃之旨說文優彷彿也禮祭義釋文優音

愛微見兒正義優髣髴見也爾雅釋言菱隱也優菱字同竝與深邃義合

良量也葉德炯曰海內北經大封國有文馬名曰吉量注量一作良是良量字通量力而動不敢越

限也先謙曰賈子道術篇安柔不苛謂之良與此義近

言宣也宣彼此之意也

先謙曰大戴記四代篇發志為言說文直言曰言論難曰語宣達彼此之意是

直言也

語敘也敘己所欲說也

畢沅曰藝文類聚引同御覽引作敘己所說述也

說述也宣述人意也

畢沅曰今本作序述之也據廣韻御覽引改

序抒也拙抒其實也

畢沅曰今本抒作抒拙作拙从段校本改蘇輿曰序與敘同本書釋典藝敘抒也抒

洩其實宣見之也拙抒猶抒洩

拙泄也發泄出之也

先謙曰此以世聲之字通訓荀子非相篇牽引則用拙說文拙揅也揅臥引也發泄

出之亦引而伸之意故拙泄義可相通一切經音義廿五引廣雅云泄發也文選魏都賦注泄猶出也

發撥也撥使開也

葉德炯曰說文發下云春艸根枯引之而發土為撥此義所本禮曲禮衣毋撥鄭注發揚

也與此轉注又發撥古字本通詩長發元王桓撥釋文引韓詩作元王桓發

撥播也播使移散也

畢沅曰移古作迻先謙曰吳校作亦言播也播使移散也合上為一條

導陶也陶演己意也

蘇與曰史記司馬相如傳正義導導引也本書釋姿容引演也下文演訓延延亦引

也是導演同義文選七發注引韓詩章句云陶暢也暢與引義相屬陶演己意猶云暢引已意

演延也言蔓延而廣也

葉德炯曰說文演長流也延長行也二字同一義訓

頌容也

畢沅曰古容兒之容亦作頌史記樂書物之頌也漢書儒林傳魯徐生善為頌又頌禮甚嚴後人乃以容盛之

容為儀容不能變矣敘說其成功之形容也

畢沅曰詩敘曰頌者美盛德之形容以其成功告於神明

也者

讚

畢沅曰此說文所無古者贊美之贊不从言漢書紀傳之贊可證諸本加言傍者蓋讀字之誤此實當作讀讀與錄聲相

近也葉德炯曰畢說非也贊古音近醴周禮酒正注如今鄧白矣釋文鄭亦作醴是也錄古音近角禮記喪大記注錄當從角

聲之誤也是也贊錄雙聲故取以為訓

錄也省錄之也

銘

畢沅曰說文無銘字鄭康成注儀禮士喪禮曰今文銘為名名又注周禮小祝云銘今書或作名然則銘乃古文名也

也記名其功也

畢沅曰周禮司勳云凡有功者銘書於王之大常禮記祭統銘者自名也自名以稱揚其先祖

之美而明著之後世者也葉德炯曰此鐘鼎銘之銘左襄公十九年傳作林鐘而銘魯功焉是也與典藝篇之銘別也勒刻也刻識之也葉德炯曰禮月令物勒工名鄭注勒刻也書序疏引易通卦驗鄭注刻謂刻石而記識之也

紀記也記識之也葉德炯曰紀記二字古通廣雅釋詁二均訓識也此與後釋經典記紀也紀誌之也為轉注

識幟也畢沅曰幟乃說文新附字非古也詩小雅云織有章幟文鳥章箋云織微織也然則古通用織昌試反

可按視也蘇輿曰史記高祖紀索隱幟或作識或作志是識幟字同幟之本義為旌旗之屬軍事以旌旗為幟識也

狹說素幟也引申為凡有標記者之稱

視是也察其是非也畢沅曰此重出已見釋姿容惟少一其字王先慎曰古視示二字通用此視蓋卽示

字說文示天垂象見吉凶所以示人也吉凶既著是非自明則示有明察是非之義與釋姿容視是也察是非也說同義別後人示皆改視並此作示之本字亦誤改之畢云重出疑非先謙曰視是也吳校作亦言是也合上為一條

是嗜也人嗜樂之也

蘇興曰顏氏家訓音辭篇南人呼是為舐此訓是為嗜音亦近舐

非排也人所惡排去也

葉德炯曰說文非違也排擄也而淮南脩務訓立是廢非注非惡也又而非學者多注非者不善之

詞均足與此相發明

基據也在下物所依據也

葉德炯曰詩南山有臺傳基本也說文基牆始也本與牆均从下至上故

此云物所依據

業捷也事捷乃有功業也

蘇興曰論語敏則有功何晏集解引孔氏云應事疾則多成功與此義合

事傳也傳立也凡所立之功也故青徐人言立曰傳也

畢沅曰傳字本

皆作偉誤周禮天官太宰六曰事典以富邦國以任百官注任猶傳也陸德明云傳側吏反猶立也疏云東齊人物立地中為傳案史記張耳傳莫敢傳刃公之腹中正義云東方人以物置地中為傳皆與此云青徐人言立合故定為傳字王啟原曰按禮記仲尼燕居雖在獻畎之中事之聖人已注事之謂立置於位也郊特牲信事人也注事猶立也此二事皆傳義以事為之漢書副通傳不敢事刃公之腹者注李奇曰東方人以物置地中為事亦祇作事後漢書張衡傳思立賦丁厥子而傳刃則作

傳蓋事有數義後人別制傳字皮錫瑞曰考工記輪人鄭司農注泰山平原所樹立物曰菑聲如鼓管子輕重篇春有以剗耕又傳戟十萬是事傳剗菑聲近義同管子齊人泰山平原齊地正與青徐言合

功攻也攻治之乃成也

王啟原曰周齊侯鐘銘肇敏於戎攻此義當為功而作攻秦嶧山刻石功戰

日作此義當為攻而作功功攻二字通

取趣也

蘇輿曰莊子齊物論趣舍不同釋文趣本或作取趣取字同事之有可取者人爭趣之故訓取為趣趣與趨同

先諒曰吳校云下脫舍一條

名明也

畢沅曰莊子釋文引作鳴也先謙曰荀子正名篇制名以指實上以明貴賤下以辨同異是名訓為明之義也

作鳴亦通繁露深察名號篇鳴而命施謂之名名之為言鳴與命也據下文作明為是

名實使分明也

王啟

原曰呂本名實下有字

號呼也

葉德炯曰越語韋昭注號呼也

以其善惡呼名之也

葉德炯曰白虎通號篇號者功之表

也所以表功明德號令臣下者也

善演也演盡物理也

先謙曰善演疊韻左昭二年傳孔疏演謂為其辭以演說之文選西都賦注引蒼頡

篇演引也其言引伸物理莫不曲盡斯為善矣

惡捥也捥困物也

葉德炯曰說文亞醜也象人局背之形與困捥義近惡从亞得聲故有此義也

好巧也

蘇輿曰月令鄭注淫巧謂奢偽怪好也以怪好釋巧與此轉注

如巧者之造物無不皆

善人好之也

先謙曰說又巧技也專主造物者言

醜臭也如物臭穢也

畢沅曰今本脫物字據廣韻引增穢當作蕞从艸歲聲俗作禾傍著歲非

遲殯也不進之言也

先謙曰說文遲徐行也易繫辭下傳虞注賸安也

疾截也有所越截也

葉德炯曰說文越度也截斷也此云越截蓋疾行居人之先也

緩洸也斷也持之不急則動搖洸斷自放縱也

孫詒讓曰莊子天卜篇云椎拍

乾斷與物宛轉又云而不免於旣斷郭注云旣斷無主角也史記陸賈傳集解引孟康云利利斷無復廉錡也洸斷與乾斷旣

斷利斷並聲近字通

急及也

畢沅曰公羊隱元年傳及猶汲汲也則及亦有急意王啟原曰說文彼急行也从彳及聲毛詩新臺序公子彼

即春秋傳之急子說文急从心及聲

操切之使相逮及也

畢沅曰初

學記御覽引操切上皆有言字

巧攷也

畢沅曰攷今通作考假借字也據義當為攷

攷合異類共成一體也

畢沅曰異漢魏

叢書本作意非王啟原曰巧攷古通書金縢子仁若考史記魯周公世家考作巧是其證周禮冬官述百工之事謂之考工記

亦取攷合眾類之義

拙屈也使物否屈不為用也

畢沅曰屈當作詘蘇輿曰墨子貴義篇不利於人謂之拙案物否屈

不為用即不利於人

燥焦也

畢沅曰焦本皆作焦俗蘇輿曰廣雅釋詁燥乾也乾亦焦也春秋繁露循天之道篇為熱則焦沙爛石亦燥為

焦之義

湴汜也

畢沅曰說文云汜汴也

彊

王先慎曰彊強之本字也說文彊弓有力也強彊之借

字也說文強斬也此爾雅釋蟲所云強醜搏也蓋說文

界也从田三其界畫也此別一義而其字實相通用說文強籀

文从勉从彊左襄二十四年傳遵啟彊楚語又作遵啟彊詩萬

壽無彊白石神君頌作萬壽無彊蓋古強弱字只用彊彊界字

則用彊白隸俗行而彊彊之本字俱廢矣先謙曰吳校彊作彊

弱

弱也又言委也畢沅曰本多脫又字今從胡本蘇輿曰廣雅

縮𪔐竝與弱義合說文委隨也楚詞哀時

命飲愁悴而委情兮委隨委情竝弱意

能該也無物不兼該也葉德炯曰說文能熊屬足似鹿从肉己

也按賢能能傑故能兼該此本

義也能古音同台與該疊韻

否鄙

畢沅曰尚書堯典否德忝帝位史記作鄙德忝考位論

語子所否者論衡引作子所鄙者然則否與鄙音義同

鄙劣不能有所堪成也

躁燥也

物燥乃動而飛揚也畢沅曰一切經音義再引一引作

言物燥即動而飛揚也一引作如

物燥則飛揚也

靜整也

王先慎曰說文整從正正亦聲故整有正義禮月令注整正列也莊子人間世正則靜史記老子列傳清靜自

正故靜

訓為整

逆 畢沅曰說文逆迎也从辵𠂔聲𠂔不順也 𨔵也 𨔵不從其理

先謙曰吳校作言不從其理

則生殿選不順也

畢沅曰三選字亦別當作𨔵說文𨔵从叩𠂔𠂔亦聲然則

𨔵有𠂔意且得𠂔聲史記趙良曰千人之諾諾不如一士之諤諤謂逆耳之言也亦當作𨔵𨔵先謙曰殿選二字又見本書釋姿容釋鄂鄂還字同

順循也循其理也

畢沅曰說文順理也王啟原曰說文循行順也廣雅理順也三文義同皮錫瑞曰儀禮大

射儀順左右隈注今文順為循月令順彼遠方呂氏春秋順作循

清青也

葉德炯曰清青古通白虎通八風清明者青芒也呂覽序意青并水經注六引作清泚

去濁遠穢

色如青也

葉德炯曰說文澹水之元按水澹則色青也

濁瀆也汁滓演瀆也

畢沅曰瀆亦澹字之別王啟原曰瀆即川瀆之瀆海瀆俱以承流惡濁為義前云海

晦也主承穢濁風俗通云尙書大傳禮三正記江河淮濟爲四
瀆瀆者通也所以通中國垢濁發源東注海其功著大故稱瀆
也由此言之溝瀆亦以納濁而名之故濁轉訓瀆也

貴歸也物所歸仰也汝頥言貴聲如歸往之歸也

葉德炯曰歸貴古聲同論

語先進詠而歸鄭注本作詠而饋是也以西域字母求之貴歸同出見字紐見爲牙音之全清等成國書在神珙以前而汝頥之聲豫合如此則字母者乃中土之正聲也

賤踐也卑下見踐履也

蘇輿曰廣雅釋言賤卑也案人居卑下爲人指使猶地居卑下爲人踐履此以

譬况成義者

榮猶榮也榮榮照明貌也

畢沅曰一切經音義引作榮猶榮榮然照明之貌言其光潤者也又引作

榮猶榮榮然照明之貌也

辱衄也言折衄也

先謙曰說文衄鼻出血也引伸爲凡挫傷之稱文選吳都賦注衄折傷也奏彈曹景宗注

衄折挫也辱人者挫傷之亦謂之折辱史記項羽紀輕折辱秦父卒是也故辱言折衄矣

禍毀也言毀滅也

先謙曰禍之為毀其義自明或以二字聲不近為疑案詩汝墳釋文齊人謂火曰燬釋言

孫炎注方言有輕重故謂火為燬也案毀燬聲同火禍聲同火燬禍毀齊人並以為聲近字故取以為訓成國用其鄉音也

福富也

畢沅曰禮記郊特牲富也者福也

其中多品如富者也

畢沅曰禮記祭統福者備也多

品故云備也皮錫瑞曰說苑引河間獻王曰五福以富為首是今文尚書作九五福一曰富也王引之說尚書惟訖于富當作惟訖于福則富可假借為福

進引也引而前也

畢沅曰前漢魏叢書本作進非先謙曰詩常武箋進前也說文一上下通也引而前行讀

若鹵引而下行讀若退徐鍇云中從一引而上行音進案非特音同義亦與此文相發

退墜也

畢沅曰禮記檀弓退人若將隊諸淵隊本字俗加土

羸累也恆累于人也

畢沅曰累本作羸从糸羸聲俗省羸為田失其聲矣皮錫瑞曰易大壯羸其角釋文

鄭虞作羸古羸羸通禮王藻喪容羸羸注羸憊貌也

健建也能有所建為也

先謙曰秦策韋昭注健者強也廣雅釋詁建立也立功立事皆謂之立覲韋

注古人強而仕
謂年力有爲也

哀愛也愛乃思念之也

皮錫瑞曰呂氏春秋報更篇人主胡可
以不務哀士高誘注哀愛也詩序哀窮

當訓愛

樂

畢沅曰樂教反下同

也使人好樂之也

葉德炯曰樂字古有

樂此正音也引申之則爲喜樂之樂一讀如樂山樂水之樂此

變音也凡音之轉變皆以音之疾徐輕重爲之後世四聲之法

然師昉此詩溱洧樂與謔藥均揚之水樂與祿沃均晨風樂與

機駁均此讀如喜樂之樂也關雎鐘鼓樂之與左右芼之均南

有嘉魚嘉賓式燕以樂與烝然罩罩均韓侯莫如韓樂與靡國

不到均正月樂與詔炤慘虐均抑抑威儀樂與慘藐教虐均此

讀如樂山樂水之樂也此二字亦當析爲二音證之

於詩知均書相承樂一讀五教反者皆本周秦均矣

委萎也萎蕤就之也

葉德炯曰說文委隨也周語四曰蕤賓韋
昭注蕤委蕤柔兒也淮南天文訓音比蕤

賓高誘注蕤賓五月也陰氣委

蕤在下似人主委蕤猶萎蕤

曲局也相近局也

王啟原曰詩正月不敢不局傳局曲也方言
五所以行基謂之局或謂之曲詩采綠子髮

曲局曲局連文義同先謙曰陶靖節詩隻難招近局近局二字
本此案局即近也文選魏文帝與吳質書塗路雖局官守有限
李注爾雅曰局近離爾局訓近曲亦訓近故成國以局釋曲
靖節遊斜川詩序云與二三鄰曲同遊斜川又詩云鄰曲時時
來鄰曲若今言鄰近矣

蹤畢沅曰足傍箸從亦俗字從也人形從之也蘇輿曰詩羔羊

蹤說文輶車迹也當作輶蹤也釋文從字又作蹤漢書張湯傳上問變事從跡安起顏注
從讀曰蹤是蹤從字同人行形隨則有蹤可見公羊隱八年傳
何注從隨行也

跡積也積累而前也畢沅曰說文無跡字當作迹蘇輿曰說文

說文聚也从衣責聲是蹟積並從責得聲荀子勸學
篇故不積跬步無以至千里即此積累而前之意

扶傳也傳近之也蘇輿曰傳與附同漢書天文志注引晉灼云

扶聲近之

字取義

將畢沅曰案說文將訓扶救護之也蘇輿曰詩樛木福履將之
此當作將俗通作將鄭箋將猶扶助也廣雅釋

言將扶也荀子成相篇吏請將之楊注將持也扶助

扶持並與救護義近但以本書例之將下疑有奪文

縛薄也使相薄著也單沅曰著當作箸蘇輿曰說文縛束也从

迫卽束縛之義易說卦釋文引陸

注云薄相附薄也薄著猶云附著

束促也相促近也

先謙曰說文促迫也迫近也廣雅釋詁促近

促晉司馬彪詩倥偬見迫束迫束猶束促也唐韓

愈詩豈必局束爲人轡局之言近局束猶促近也

覆芋也如芋甲之在物外也

葉德炯曰釋器芋覆車也此亦覆

芋覆也與此轉注詩大田箋方謂芋甲始生孔疏芋者米外之

粟皮甲者以在米外若鎧甲之在人表案芋爲葭裏白皮靚

外之稱覆者覆物之具物在覆內則覆在物外故以芋釋之

蓋加也加物上也

蘇輿曰本書釋車蓋在上覆蓋人也蓋有

威畏也可畏懼也

葉德炯曰詩巧言昊天已威毛傳威

嚴儼也

葉德炯曰嚴儼二字古通書無儼然人憚之也

葉德炯

堯曰篇儼然人望而畏之

政正也下所取正也

畢沅曰御覽引政下有者字所下有以字先謙曰說文政正也論語爲政皇疏政謂

法制也周禮夏官序官注政所以正不正者也

教效也下所法效也

畢沅曰說文教上所敝下所效也諸本效作倣別

侍時也尊者不言常於時供所當進者也

蘇輿曰論語先進皇疏卑者侍尊者之側

曰侍廣雅釋言時伺也與論語孔子時其亡也之時義同卑侍尊側專爲伺候先意承志相諭無言如曲禮所云視於無聲聽於無形內則所云若飲食之雖不欲必嘗而待加之衣服雖不欲必服而待之類是其事也時有伺義故侍可訓時侍時並从寺聲成國依聲爲訓故云然

御語也尊者將有所欲先語之也亦言其職卑下

畢沅曰今本脫其字下字

據一切經音義引增尊者所勒御如御牛馬然也

蘇輿曰天官序官注云御猶進也侍也春秋桓

公十四年鄭伯使其弟語來聘穀梁語作禦禦御同是御語字通也說文御使馬也从彳从卸與後說同

雅畢沅曰說文隹部云雅楚鳥也其疋部解疋

將為之維維然憚之也畢沅曰維與疋音不相近蓋誤也疑當

也今南楚之間俗以聞雅聲為事不成益本古諺

俗欲也俗人所欲也王啟原曰孝經移風易俗正義引韋昭云

傳注隨君上之情欲謂之俗

艱根也如物根也畢沅曰尚書咎繇謨奏庶艱食釋文

難憚也人所忌憚也先謙曰說文憚忌難也一曰難

吉實也有善實也先謙曰吉實疊韻為訓文選東京賦薛注吉

此義也因善必獲吉故吉善又互相訓說文吉善也善吉也

凶空也就空亡也王啟原曰說文凶惡也象地穿交陷其中也

空亡之義

停定也定於所在也

畢沅曰傳爲亭字之俗說文亭民所安定也此亭館之亭有亭止之義卽以爲亭止

字不當有人傍

起啟也啟一舉體也

吳翊寅曰吳校作啟舉一體也案爾雅啟跪也李巡注小跪也詩不遑啟處毛傳與

雅訓同論語啟予手啟予足說文作踳無舉一體之訓從原本作一舉體與小跪義合

翺敖也言敖游也

先謙曰淮南覽冥訓高注翼一上一下曰翺此翺敖疊韻爲訓說文敖出游也廣雅釋訓

翺翔浮游也

翔佯也言仿佯也

畢沅曰說文無佯字莊子山木篇孔子徐行翔佯而歸後漢書東平憲王蒼傳消搖仿佯

亦與此同案左氏十七年傳如魚窺尾衡流而方羊作方羊爲古毛詩載驅傳云翺翔猶仿佯也又從彳皆後來字譌變

出推也推而前也

先謙曰凡物之出若有推而前進者故以推訓出廣韻出在六術推在六脂段氏音韻表

同在十五部蓋古音讀出若吹與推音叶吹出雙聲詩雨無正以出韻焯後人故有尺僞一切也

入內也內使還也

畢沅曰內本皆作納案說文入內也內入也从口自外而入也其糸部云納絲淫納納也

然則納乃別是一義此當作內

候護也司護諸事也畢沅曰司息吏反蘇輿曰說文候伺望也廣雅釋詁候視也即司護意畢讀是

望惘也視遠惘惘也畢沅曰心傍箸罔亦俗字案釋姿容篇有云望茫也遠視茫茫也義與此同亦以守

望為義與候對文

校交也與物交錯也王版原曰校當作佼說文佼交也

夫決也畢沅曰周易有夫卦彖傳曰夫決也有所破壞決裂之於終始也畢沅曰案下四

字不可曉疑誤下文言始則對文當言終其訓釋不可攷矣

始息也言滋息也先謙曰漢書宣紀注意息謂生長也律歷志陽氣伏於地下始著為一萬物萌動有生長之

義故以息訓始段氏音韻表始息同在弟一部

消削也言減削也蘇輿曰消削俱从肖聲易剝釋文削本作消消削同廣雅釋詁削減也

息塞也言物滋息塞滿也畢沅曰今本無言物滋息四字據一切經音義引增吳胡寅曰滋息乃始

下之訓畢依一切經音義引蓋併二義爲一非本書舊文先謙曰段氏音韻表息塞同在第一節

姦奸也言奸正法也

葉德炯曰說文姦私也从三女奸犯淫也从女干聲字異而義相通假

究侂也侂易常正也

蘇輿曰說文究姦也外爲盜內爲究从九聲讀若軌此與姦相承爲義侂與詭同

疊韻

誰推也

畢沅曰推舊本皆作相誤案史記淮陰侯傳始爲有推布衣時貧無行不得推擇爲吏正與此合今改正

擇言不能一也

畢沅曰莊子天運篇子生五月而能言不至乎孩而始誰郭象注誰者別人之意也案別人卽

與此擇之義同葉德炯曰左昭十三年傳請待於郊以聽國人楚世家注引服虔云聽國人欲爲誰此誰字正作推訓言聽國人之推

擇也

往駐也歸往於彼也故其言之叩頭以指遠也

畢沅曰今本叩上有於字據下

條義刪葉德炯曰駐本書兩見前釋親屬王駐也家中所歸駐也案說文駐美也釋詁駐駐光美也與此義相近惟詩泮水烝烝皇皇箋云皇皇當作駐駐駐駐猶往往也是漢時駐一作往訓

來哀也使來入己哀之故其言之低頭以招之也

畢沅曰哀似當為依亦讀

烏皆反蘇與曰此哀字與悲哀義別當訓為依哀依字通義亦同不必改字為依說文哀从口衣聲心部引孝經哭不哀作哭不恁云从心依聲曰本古文孝經哀又作依則知哀依本通故悲哀之哀亦可作依說文依倚也此云使來入己哀之猶言使來入己依之耳

麤錯也相遠之言也

蘇與曰荀子正名篇楊注麤疏略也下訓疏為獲索相遠即此義

細畢沅曰本皆作綯誤也此篇皆兩兩反對懸之對當作細

弭也弭弭兩致之言也

王先慎曰本書

釋兵弓未謂之弭以骨為之滑弭弭也則弭弭是光滑之義致同綴詩斯干箋堅致彼都人士箋密致釋文並云致本作綴禮聘義注續致也釋文同今俗言

疏索也獲索相遠也

蘇與曰廣雅釋詁疏遠也疏索一聲之轉獲索未詳蓋其時方語禮檀弓吾離羣而

索居注索猶散也淮南俶真訓高注疏躍布散也皆相遠之義

密蜜也如蜜所塗無不滿也

先謙曰密字經典有數義此則密比之謂也故云如蜜塗皆滿

甘含也人所含也

蘇輿曰本書釋飲食含合也合口亭之也說文甘美也从口含一淮南覽冥訓高注甘猶

耆也物之甘美者人所耆推之於事亦然甘含晏韻

苦吐也人所吐也

蘇輿曰說文苦大苦苓也因之凡物之苦者皆謂之苦又引伸為厭苦之義一切經音義

十一引倉頡云吐棄也苦吐晏韻

安晏也晏晏然和喜無動懼也

皮錫瑞曰尚書文思安安今文尚書作文塞晏晏春秋傳安孺

子亦作晏孺子

危阢也阢阢不固之言也

蘇輿曰阢與机同書秦誓偽孔傳机陞不安言危也

成盛也

先謙曰成盛聲義互通見於經典者甚多故成訓為盛

敗潰也

蘇輿曰說文潰訓漏誼微別此說文之殲步部云殲爛也走部云退數也數爛義近故可互訓後世言軍事不

勝曰敗潰二字亦為恒言通誼矣

亂渾也

蘇輿曰說文渾渾流聲也渾亂也二字義本相因素問三部九候論王注渾渾亂也與此互訓

治值也物皆值其所也

蘇與曰值當也言物皆當其所漢書韓安國傳公等足與治乎顏注治謂當敵

也今人猶云對治然則治有當義故訓值治

值然顧凡事治則條理秩然物皆得所矣

煩繁也物繁則相雜撓也

王先慎曰大戴少問篇列五土之德煩煩如繁諸乎注煩眾也如繁者言

如萬物之繁蕪也煩繁義相因一

切經音義十四引字林撓擾也

省瘦也臞瘦約少之言也

畢沅曰今本作省嗇也臞嗇約少之言也案御覽人事部瘦人類引曰省

瘦也臞雀約少之言也唯雀字譌餘盡是彼文之臞足正此臞

字之誤今皆從之或疑當入姿容篇則何以不云瘦省也况此

省與煩對文益知本在此篇

明矣先謙曰吳校瘦作瘠

閒簡也事功簡省也

先謙曰漢書公孫宏傳今事少閒注閒謂有空隙也鄒陽傳乘閒而請注閒謂空隙

無事之時曲禮少閒疏閒謂清閒也皆與事功簡省之義相應

說文閒隙也閒闕也从門中有木非閒暇之義今人分閒閒為

二字又讀閒隙之間為去聲而

以清暇之間為閒皆非古義

劇巨也事功巨也

畢沅曰劇諸本皆從刀乃說文新附字今案當從力說文勦務也此義與之同

貞定也精定不動惑也

葉德炯曰周書論法大慮克就曰貞禁邑獨斷清心自守曰貞皆貞定之義

淫浸也浸淫旁入之言也

葉德炯曰說文淫浸淫隨理也論語浸潤之譖鄭注譖人之言如水之浸

潤以漸成其禍也

沈澹也澹然安著之言也

蘇輿曰澹當讀如論語澹臺之澹音談沈澹同聲史記陳涉世家夥頤涉

之爲王沈沈者索隱引劉伯莊云沈沈猶談談謂故人呼爲沈沈猶俗云談談深也是沈音近談之證文選海賦注澹沚澄深也凡事深沈則安著矣義相比傳

浮孚也孚甲在上稱也

蘇輿曰孚甲在上與上云孚甲在物外相應爲義浮从孚聲禮坊記注在上曰

浮故取在上之孚甲爲况

貪探也探取入他分也

畢沅曰今本脫取字據御覽引增蘇輿曰說文探遠取之也物非己有而妄意

取之故云探取入他分

廉斂也自檢斂也

蘇輿曰說文廉仄也从广兼聲案凡物偏仄則斂著是仄亦有斂義引申爲立行清廉能

自攝斂之稱書伊訓孔疏檢謂自攝斂也人廉潔則知檢斂矣先謙曰吳校廉下補檢也二字

潔確也確然不羣貌也畢沅曰潔本無水旁確亦俗字案說文

也然則此當作

汚洿也如洿泥也蘇輿曰說文洿濁水不流也一曰窳下也左文六年傳孔疏洿者穢之別名不絜之稱也

荀子性惡篇楊注洿穢行也案此汚與潔對專自人之品類言之賈子道術篇放理潔清謂之行反行為污水停洿泥則穢濁人行不潔亦如之論語子張篇君子惡居下流天下之惡皆歸亦其義也汚洿字同

公廣也可廣施也蘇輿曰周書謚法立制及眾曰公太子晉伯能移善於眾與百姓同謂之公皆廣施之義

公廣雙聲

私畢沅曰說文引韓非子曰自營為公韓子則作自環為公營環字通也俗作私別恤也所恤念也蘇輿曰離騷皇天無私阿兮王注竊愛為私竊愛即恤念意晉傅咸

詩進則無云補退則恤其私亦此私恤之義廣韻私在六脂恤

術在六

勇踊也遇敵踊躍畢沅曰遇御覽引作見欲擊之也葉德炯曰淮南本經訓甬道相連高誘注

甬讀踊躍之踊而說文勇下云勇氣也从力甬聲故勇可訓踊

怯脅也見敵恐脅也蘇輿曰廣雅釋詁脅怯也與此互訓一切經音義十四引公羊劉兆注脅畏迫也淮

南本經訓高注脅恐也與此合

斷段也分爲異段也葉德炯曰說文斷截也段椎物也皆與分異義近

絕截也如割截也王先慎曰說文絕斷絲也古文作蜀象不連絕二絲是絕之本義爲絲之斷引申爲凡割

斷之通稱說文截斷也絕截二字皆取斷義故成國釋絕爲截穆天子傳注絕猶截也

罵迫也以惡言被迫人也先謙曰罵从馬聲迫从白聲段氏音韻表皆在古音第五部足證漢音去

古不遠廣雅釋詁破加也

訾歷也以惡言相彌歷也亦言離也以此挂離之也先謙曰訾歷離並以

聲轉之字爲訓彌歷未詳何語蓋淺藉意漢書司馬相如傳下積歷之砥注積歷不平也惡言者不平之語彌歷或與積歷義

近本書釋天靈霖小雨也言靈歷霑漬惡言如雨之濡漬人彌歷或即靈歷之音變字挂疑註之誤說文註誤也廣雅釋詁註欺也以惡言欺誤人而離之

祝屬也以善惡之詞相屬著也

畢沅曰一切經音義一引同一引無著字葉德炯曰白虎通號

篇祝者屬也又五行篇祝者屬續也

詛阻也使人行事阻限於言也

畢沅曰一切經音義兩引使人上皆有謂字葉德炯曰周禮詛

祝鄭注詛謂祝之使沮敗也

盟明也告其事於神明也

畢沅曰一切經音義引無其字周禮司盟北面詔明神既盟則貳之襲九

年左傳昭大神要言焉是盟必告事於神明也

誓制也

葉德炯曰廣雅釋言誓制也義本此

以拘制之也

畢沅曰拘或約字誤葉德炯曰說文誓約束也

案約束猶拘制

佐左也在左右也

畢沅曰佐俗字也輔佐之佐本作左今之左右本作左

助乍也乍往相助非長久也

畢沅曰相助本皆作相阻謫今从段校本改先謙曰助从且聲與乍

聲之字段氏音韻表皆在古音弟五部今助字開口呼之則得與乍叶之音矣如詩將伯助予之助是有乍義若孟子莫善於助守望相助之助亦非乍義也

飾拭也物穢者拭其上使明由他物而後明猶加文於質上也

王啟原曰周禮司尊彝注浼酌者祝飾勺而酌也釋文飾本作拭又封人飾其牛牲注謂刷治潔清之也禮記雍人拭羊注靜也然則飾拭一也大戴禮記勸學篇遠而有光者飾也故曰拭其上使明

蕩盪也排盪去穢垢也

葉德炯曰禮昏義蕩天下之陽事鄭注蕩蕩滌去穢惡也

噉噉也心有所念噉然發此聲也

畢沅曰段云此噉字當是咄之誤先謙曰噉非咄字之誤

詩中谷有雉噉其泣矣毛傳噉泣貌成國正爲此詩作注說文噉憂也

嗟佐也言之不足以盡意故發此聲以自佐也

畢沅曰此佐字加人傍非也辯

見上詩關雎敘云言之不足故嗟歎之王啟原曰嗟古音如嗟故與佐音近

噫憶也憶念之故發此聲噫之也

畢沅曰噫之本皆作憶之誤今從段校本改先謙曰吳校

刪噫之二字書金滕疏噫者心不平之聲

亦通作慈詩瞻卬箋慈有所痛傷之聲也

鳴畢沅曰本作鳥加口傍俗

舒也氣憤懣

畢沅曰本皆作滿據說文云憤懣也則此當作懣

故發此

聲以舒寫之也

畢沅曰說文孔子曰烏呼也取其助氣故以爲烏呼是烏爲舒氣之聲也王啟原曰說文歆

心有所惡若吐也舒寫之烏宜爲此

念黏也意相親愛心黏著不能忘也

葉德炯曰說文念常思也釋訓勿念勿忘也

憶意也恆在意中也

思司也

畢沅曰司相吏反下同

凡有所司捕必靜思忖亦然也

王啟原曰周禮司市

上旌於思次注思若今市亭也此假思爲司卽伺字也

克刻也

畢沅曰克說文作亨云肩也象屋下刻木之形

刻物有定處人所克念有常心

也

慮旅也旅眾也易曰一致百慮慮及眾物以一定之也

畢沅曰引易者

下繫文也王啟原曰無慮却凡之辭亦有眾義

釋飲食第十三

飲奄也以口奄而引咽之也

葉德炯曰說文飲歡也从欠禽聲奄覆也大有餘也又欠也从大从

申申展也按二字義本相近故飲可訓奄申展尤與引咽之義無異

食殖也所以自生殖也

王啟原曰管子地員篇壯土之次曰五殖禮記檀弓則擇不食之地而葬我焉

不食猶不殖也

啜絕也乍啜而絕於口也

葉德炯曰說文啜嘗也禮檀弓鄭注嘗試也此與乍啜之義正合

餐乾也乾入口也

畢沅曰說文餐吞也此乾字當為吞吞與入口之義正合

吮循也不絕口稍引滋汨循咽而下也

蘇輿曰吮从允聲循从盾聲允盾疊韻本書釋

形體汨澤也

嗽促也用口急促也

畢沅曰說文嗽吮也从欠束聲此加口傍字俗漢書佞幸傳文帝嘗病癰鄧通常爲

上嗽吮之師古注嗽音山角反一切經音義御覽皆引作用力急促非

含合也合口亭之也銜亦然也

蘇輿曰亭與停同本書釋宮室亭停也釋言語停定也含物必

合口故云說文含噤也从口今聲含合聲轉

咀藉也以藉齒牙也

先謙曰一切經音義廿二引三蒼云咀含味也文選遊天台山賦注以草薦地曰藉

含物在齒牙之上故亦曰藉也猶言在口中謂之藉口矣二說

嚼削也稍削也

先謙曰一切經音義六引通俗文咀齧曰嚼易剝牀以辨疏云初六蔑貞但小削而已小猶稍

鳥曰啄如啄物上復下也

畢沅曰啄物之啄疑當作琢

獸曰齧齧齧也所臨則禿齧也

蘇輿曰說文齧齒缺也禿齧猶云禿缺廣韻鳥食之餘爲齧與

此同蓋引申義

餅并也溲麪使合并也

畢沅曰初學記引麪上有麥字御覽引麪字作麥

胡餅作之大

畢沅曰說文無漫字此當作蒿胡案鄭注周禮鼃人云互物謂有甲滿胡鼃鼃之屬則蒿胡乃外甲兩面周圍

蒙古之狀胡餅之形似之故取名也葉德炯曰漫沍卽麵餠之

轉聲也原本玉篇食部飣下云飣餲也卽此𣵀字蘇輿曰御覽

飲食十八引亦言以胡麻箸上也畢沅曰上初學記引作之成

漫漶作漫汗亦言以胡麻著上也容鏡曰胡餅藝文類聚七十

二引三輔決錄云趙岐避難至北海於市中販胡餅魏志御覽

入百六十引續漢書云漢靈帝好胡餅京師皆食胡餅又引英

雄記云作萬枚胡餅先持勞客而初學記二十六合璧事類四

十六引崔鴻前趙錄備錄石季龍諱胡改胡餅曰麻餅尤與本

蒸餅 **湯餅** **蛄餅** **隨餅** 畢沅曰齊民要術云截餅一名蛄

義合 煮食沙食虫食蜚食 子蓋卽蝎餅也齊民要術有作蠶

餅法以髓脂蜜合和麪厚四五分廣六七寸便著胡餅鑪中令

熟勿令反覆餅肥美可經久成蓉鏡曰蒸餅晉書何曾傳帝輒

命取共食蒸餅上不坼作十字不食御覽引晉陽秋云王歡耽

學貧簞或人惠蒸餅一顆以充一日又引繆襲祭儀云夏祀以

蒸餅湯餅藝文類聚七十二引束皙餅賦云充虛解戰湯餅爲

最御覽引語林云何平叔面絕白魏文帝疑其著粉正夏月喚

來與熟湯餅餅臘荆楚歲時記云六月伏日並作湯餅餅蝎餅餅隨

餅初學記引盧諶祭法云春祠用曼頭湯餅髓餅牢九夏秋冬

亦爲之御覽引作湯餅髓餅牢丸事文類聚續集十七引作餲

餅餠餅餠餅皆蝸餅之誤御覽引雜五行書云食經有餠

餅法以髓脂合和麵金餅索餅之屬成蓉鏡曰索餅疑卽水引餅今江淮間謂之切麵皆隨形而

名之也畢沅曰皆一切經音義引作各

糝黏也畢沅曰今人所謂飯糝亦或曰飯黏子相黏教也畢沅曰案說文無教字教疑當作黏御覽引作

黍教也相黏教也蓋別是一條而亡逸者與不敢據改而以入補遺中可也王啟原曰方言黏教黏也齊魯青徐自關而東或曰黏或曰教廣雅教黏也

成國青州人其方言如此

餌而也相黏而也成蓉鏡曰本書以漉麵使合并訓餅而此文云餌而也相黏而也蓋謂漉麥屑蒸之曰餅

漉米屑蒸之曰餌訓然爲二說文餅麵糝也从食并聲鬻粉餅也从鬻耳聲餌或从食耳麵謂麥麵粉謂米粉也方言餅謂之

飪或謂之饊饊廣雅饊饊餅也訓極皆謂麥麵所爲方言餌謂之饊或謂之饊或謂之饊或謂之饊或謂之饊或謂之饊或謂之饊

饊餌也皆謂米粉所爲釋名以餅爲漉麥麵則餌爲漉米粉可知故小顏注急就章餅餌云漉米而蒸之則爲餅餌之言而也

相黏而也漉麵而蒸熟之則爲餅餅之言并也自賈思勰著齊民要術米粉麥麵皆入之餅法而後世言食經者鮮知其分矣

究豫曰漉浹畢沅曰二字說文所無就形名之也成蓉鏡曰案漉浹疑卽饊

餅之譌集韻餅餌也充豫謂之饅餅當本此御覽八百六十引
本書充豫曰澹決注或作夷蓋餅或省作弟而弟又誤作夷也
葉德炯曰澹疑饅之假借決謂融決說文而須毛也此
當是齊民要術之繭糖一名窠絲糖者故云就形名之

資漬也烝燥屑使相潤漬

畢沅曰今本烝譌作丞據御覽引改

餅之也

畢沅曰周禮籩人羞

籩之實糗餌粉資康成注此二物皆粉稻米黍米所爲也合烝曰餌餅之曰資糗者擣粉熬大豆爲餌資之黏著以粉之爾餌言糗資言粉互相足

饋分也眾粒各自分也

畢沅曰詩洞酌正義引說文饋一烝米也案米糲一烝則未黏合故曰眾粒各

自分御覽引作飯分也使其粒各自分也飯字誤

飧散也投水於中解散也

畢沅曰御覽引作投飯於水中各散也詩伐檀正義引說文飧水澆飯也

從夕食

羹汪也汁汪郎也

畢沅曰羹今本譌作款據初學記御覽引改儀禮士昏禮有大羹滂滂汁也則羹多汁者

也故曰汁汪郎廣雅羹謂之滂蘇與曰釋器肉謂之羹御覽飲食十九引爾雅舊說肉有汁曰羹

臄蒿也香氣蒿蒿也

畢沅曰今本臄作臄俗字也御覽引作臄據改葉德炯曰禮祭義煮蒿悽愴注蒿謂

氣蒸出貌也

糜煮米使糜爛也

畢沅曰說文糜爛也此當云糜糜也煮米使糜爛也

粥濁於糜粥粥然也

畢沅曰今本濁作濯據御覽引改葉德炯曰釋言鬻糜也釋文引孫炎注鬻淖糜也

禮儒行粥粥若無能也疏云是柔弱專愚之貌正取此義

漿將也飲之寒温多少與體相將順也

先謙曰孝經將順其美注將行也廣雅釋詁將

也

湯熱湯湯也

先謙曰說文湯熱水也

酪澤也

畢沅曰酪於說文在新附字中疑古者借用洛字葉德炯曰御覽飲食部引服虔通俗文煨羊乳曰酪是漢時

有酪字許書未收

乳汁所作使人肥澤也

畢沅曰乳汁所作今本誤作乳作汁所據藝文類聚御覽

改引

畢沅曰鄭注周禮醢人云凡醢醬所和細切爲齏全物若牒爲菹是齏必

用醴醬諸味相濟成也葉德炯曰北堂書鈔酒食部五引作齊
濟也與諸味相濟成也案齊齋本通周禮醴人五齊注齊當爲
齋

畢沅曰禮記少儀麋鹿爲道野

豕爲軒皆聶而不切麕爲辟雞兔爲宛脾皆聶而切之切蔥若
薤實之醢以柔之鄭注此軒辟雞宛脾皆菹類也其作之狀以
醢與葷菜淹之殺肉及
腥氣也是生醢之者也

畢沅曰說文醕醬醕也醬醕榆醬也齊民要術有作榆子醬法治榆子仁一升搗末

篩之清酒一升醬五升合和一月可食之

畢沅曰晦今本
譌作海據義改

畢沅曰鄭注周禮醢

人云作醢及醢者必先膊乾其肉乃後剉之雜以梁麴及鹽漬以美酒塗置甑中百日則成矣醢多汁者曰盪畢沅曰鄭注周禮醢人云盪肉汁也今本盪作醢誤王啟原曰說文肫肉汁滓也从肉尤聲則字當作肫醢血醢也別義然

詩行葦醢醢以薦周禮醢人深蒲醢醢儀
禮公食大夫禮醢醢昌本皆假醢為肌 監藩也宋魯人皆謂

汁為藩 畢沅曰說文藩汁也哀三年左傳無備而官 醢有骨者

曰醢 畢沅曰爾雅肉謂之 醢昵也骨肉相傳昵無汁也

豉嗜也 畢沅曰說文未部豉配 五味調和須之而成乃可甘嗜

也 畢沅曰御覽引作頃之而成博物志云外國有豉法以苦酒

浸豆暴令極燥以麻油蒸蒸訖復暴三過乃止然後細擣椒

屑隨多少合之中國謂之 故齊人謂豉聲如嗜也 畢沅曰如何

康伯能下氣調和者也 書鈔御覽皆引作如雖 如而字通母寧從如

麴朽也鬱之使生衣朽敗也 畢沅曰齊民要術說作女麴如作

三七二十一日開看徧有黃衣則止三七日無 麥麴法以青蒿上下奄之置牀上

衣乃停要須衣徧乃止出日日暴之燥則用 漿缺也漬麥覆之使生芽開缺也 畢沅曰齊民要術有作漿法

去水日暴之一日一度著水即去之脚生布麥 於席上厚二寸一日一度以水澆之芽生便止

鮓畢沅曰說文無鮓字以音求之疑當借用鱉 菹也畢沅曰今本作滓也 以鹽米釀

魚以爲菹蘇輿曰御覽飲食二十亦作以鹽米釀之如菹據廣韻引改 熟而

食之也畢沅曰齊民要術有作裹鮓蒲鮓魚鮓乾魚鮓等法用魚醬切之乃以鹽散之又炊秬米飯爲糝并茱萸橘皮

好酒以合和之

腊乾昔也畢沅曰說文管乾肉也从殘肉日以晞之與俎同意籀文管下从夕

脯搏也乾燥相搏著也畢沅曰搏義當爲傳初學記御覽皆作搏姑仍之 又曰脩脩縮

也乾燥而縮也畢沅曰說文脯乾肉也脩脯也王啟原曰周禮腊人注薄析曰脯捶之而施薑桂曰殿脩搏即

薄也詩中谷有蕓嘆其脩矣傳云脩且乾也

膊迫也薄桮肉迫著物使燥也畢沅曰說文膊薄脯膊之屋上方言七膊暴也燕之外郊朝鮮冽水之間凡暴肉發人之私披

牛羊之五藏謂之膊說文薄脯膊之屋上謂切薄肉暴之屋上

也淮南繆稱訓有云嗜厚膊則此有薄膊矣亦有以火炙者淮南說林訓一膊炭爇是也桮說文擊也蘇輿曰儀禮士喪禮兩

脂亞鄭注今文脂為迫周禮醢人豚拍魚醢司農注鄭大夫杜子春皆以為拍為膊膊脂迫拍竝同字

膾會也細切肉令散分其赤白異切之已乃會合和之也

畢沅曰禮

記內則曰肉腥細者為膾大者為軒鄭注言大切細切異名也膾者必先軒之所謂轟而切之也又少儀曰牛羊與魚之腥轟而切之為膾鄭注轟之言驟也先藿葉切之復報切之則成膾蘇與曰御覽飲食二十引散上無令字末句作乃會和之也說文膾細切肉也

炙 畢沅曰之夜反火熱之肉也後炙也 畢沅曰炙之亦反下炙

脯炙釜炙脂炙銜炙糒炙皆同炙於火上 畢沅曰說文炙炮肉也从肉在火上

脯炙以餒蜜鼓汁淹之脯脯然也 先謙曰脯脯無義淹之六字吳校作淹而炙之如脯然也

釜炙於釜汁中和熟之也 蘇與曰御覽飲食二十一引作於釜中汁和熟之也

脂炙 畢沅曰今人無此二字據前後諸條並據下文釋脂為銜合增此二字脂銜也銜炙細密肉

先謙曰吳校云銜和以薑椒鹽鼓已乃以肉銜裹其表而炙之 炙二字衍密作切

也畢沅曰齊民要術有銜炙法取極肥子騃一隻淨治煮令半熟去骨剉之和大豆酢五合瓜蒌三合薑橘皮各半合切小蒜一合魚醬汁二合椒數十粒作屑合和更剉令調取好白魚肉細琢裹作串炙之

貊炙全體炙之各自以刀割出於胡貊之爲也畢沅曰貊說文作貉蘇輿曰御

覽八百五十九引搜神記云羌煮貊炙翟之食也自太始以來中國尙之先謙曰卽今之燒豬

膾細切細切豬羊馬肉使如膾也畢沅曰膾已見上此則名膾細切或膾字爲衍細切二字

舊不重今案當重上舉其名下言其法下文云一分膾二分細切則細切之爲名審矣

生脰以一分膾二分細切合和挺攪之也畢沅曰說文脰生肉醬也从肉延聲齊民

要術有作生脰法羊肉一斤豬肉白四兩豆醬清漬之樓切生薑雞子春秋用蘇蓼著之

血脂畢沅曰說文脂羊凝血也从血召聲今本作脂別也蘇輿曰御覽飲食十七引脂作髓音苦蓋反引說文云羊血曰

髓以血作之增其酢豉之味使甚苦以消酒也

膏饊畢沅曰今本脫此二字案下文有如膏饊之語卽謂此也今據補消膏而加蒞其中亦以

消酒也

畢沅曰御覽引上條以消酒也誤作以消膏而加菹其中亦以消酒也是有脫誤而合二條爲一矣據上條云

以消酒也此云亦以消酒也文

正相承當分爲二條使相從

生淪葱薤曰兌言其柔滑兌兌然也

畢沅曰御覽引兌皆作食未知孰是孫詒讓曰一切

經音義一引通俗文云淹韭曰薤

淹薤曰薤兌疑卽薤音近字通

韓羊韓兔韓雞本法出韓國所爲也

先謙曰此三韓國所爲猶若今言高麗肉之比

酒言宜成醪蒼梧清之屬也

畢沅曰周禮酒正疏引曹植酒賦云宜城醴醪蒼梧縹清文選陸韓

卿詩注引陳思王酒賦云酒有宜城醴醪蒼梧縹清又七命注引張華輕薄篇云蒼梧竹葉清宜城九醞酒

腍畢沅曰奧加月傍俗字也禮記內則有鵝奧鄭注云臙臙也奧不从肉

奧也藏肉於奧內

畢沅曰藏

本作臙稍出用之也

畢沅曰禮記正義云奧謂藏之深奧處正與此合然則奧以深奧爲名字不當從肉

孫詒讓曰荀子大略篇曾子食魚有餘曰泔之門人曰泔之傷人不如奧之賈思勰齊民要術及段公路北戶錄引南朝食品

並有奧

肉法

脬赴也夏月赴疾作之久則臭也

畢沅曰說文脬旁光也淮南說林訓旁光不升俎今人亦

不以旁光供食茲以列飲食篇當別是一物先謙曰今取脬吹張實肉和香味其中乾之名香肚蘇州粵東皆有之當是也

分乾切豬肉以梧分乾其中而和之也

畢沅曰梧疑當作梧說文午梧也案午有交橫

之義儀禮特牲饋食禮心舌皆去本末午割之此當與之同其中上似有脫文葉德炯曰畢說非是梧當讀爲枝梧之梧謂斜

解也史記項羽紀莫敢枝梧集解引臣瓚曰斜柱曰梧

肺臠

畢沅曰今本臠作臠俗謬字也據御覽引改說文臠切肉內於血中和也讀若遜

臠饋也以米糝

之如膏饋也

畢沅曰禮記內則云取稻米舉糝溲之小切狼臠膏以與稻米爲醢鄭注狼臠膏臠中膏也以煎稻

米則似今膏臠矣案膏臠卽膏饋也蘇興曰御覽飲食十七引無臠字以作全盧諶祭法云四時祠皆用肺臠亦見御覽引

雞纖細擗其脂令纖然後漬以酢也兔纖亦如之

王啟原曰此云細擗則纖

其本義下云漬酢則又當爲纖說文纖漬也本無正名隨所命之舉一則義不全故齊民要術別謂之雞臠其言云脂雞一名魚雞以渾鹽豉蔥白中截乾蘇微火炙生蘇不炙與成治渾雞俱下水中熟煮出雞及蔥漉出汁中蘇豉澄令清擘肉廣寸餘

奠之以煖汁沃之肉若冷將奠蒸令煖滿奠又云蔥蘇鹽豉汁與雞煮既熟擘奠與汁蔥蘇在上莫按下可增蔥白令細也其言作法至詳而不言漬酢漢至後魏經時已久故法小異名亦微變廣雅始出臘字云美也玉篇則訓臘爲羹

錫洋也煮米消爛洋洋然也
葉德炯曰急就章云棗杏瓜棣餼餉錫說文錫飴和饌者也方言十

三錫謂之饌饌

飴
蘇輿曰此下當有怡也二字
小弱於錫形怡怡然也
葉德炯曰說文飴米

十三凡飴謂之錫

餹哺也如錫而濁可哺也
畢沅曰齊民要術有煮白餹黑餹法又有煮餹法大略相同成器鏡曰御

覽入百五十二引四王起事云惠帝到華陰河間王遣上甘菓甘餹二百幡

酒酉也
畢沅曰說文酒就也从水
釀之米麴酉澤
畢沅曰酉澤

首下訓云釋酒也从酉水半見於上禮記郊特牲曰猶明清久其醲酒於舊澤之酒也是澤亦釋義也初學記澤引作澤誤

而味美也
畢沅曰初學記引無久字非
亦言蹶也能否皆强相蹶持飲之也

畢沅曰持今本譌作待據初學記引改
蘇輿曰御覽飲食一引無飲之二字
又入口咽之皆蹶其面

也

緹齊色赤如緹也
畢沅曰周禮酒正辨五齊之名其四曰緹齊鄭注緹者成而紅赤如今下酒矣說文緹帛

丹黃色案丹黃色近赤矣

盎齊盎滑也
畢沅曰今本無滑也二字據周禮注增注見下滑滑然濁色也
畢沅曰鄭注周禮酒

正云盎猶翁也成而翁翁然蔥白色如今鄧白矣

汎齊汎蟻在上汎汎然也
畢沅曰周禮作汎齊鄭注汎者成而汎汎汎汎然如今宜成醪矣說文汎

浮貌汎浮也汎汎義相近葉德炯曰此元酒也書顧命麻冕蟻裳御覽服章部引鄭注蟻謂色玄也

沈齊濁滓沈下汁清在上也
畢沅曰鄭注周禮沈齊云沈者成而滓沈如今造清矣

醴齊醴禮也釀之一宿而成禮有酒味而已也
畢沅曰禮當皆為體字之誤也

鄭注周禮醴猶體也成而汁滓相將如今恬酒矣說文醴酒一宿孰也

醪酒久釀西澤也

畢沅曰此禮記所謂舊紹之酒也醪當作繹从糸畢聲俗从西非西澤從說文當作酉繹

事酒有事而釀之酒也

畢沅曰周禮酒正云凡爲公酒者鄭注謂鄉射飲酒以公事作酒者此有事而

釀之酒也酒正又云辨三酒之物一曰事酒

苦酒滄毒甚者酢苦也

畢沅曰御覽引作滄毒者酢且苦也成

之苦酒則君子不近庶人不佩御覽六百六十六引魏名臣奏曰今官販苦酒與百姓爭錐刀之末苦酒卽醢也故吳錄地理志曰吳王築城以貯醢今俗呼苦酒城酈觀賈思經齊民要術九引陸璣草木鳥獸蟲魚疏云接余以苦酒浸之爲菹

寒粥

畢沅曰字本作鬻今本省

末稻米投寒水中育育然也

畢沅曰御覽引作寒粥投米寒

水中也

干飯

畢沅曰干與乾音同得相假借御覽引卽作乾

飯而暴乾之也

成荅鏡曰司馬彪續漢書羊陟拜河

內尹常食乾飯謝承後漢書左雄爲冀州刺史常食乾飯羊茂爲東郡太守常食乾飯胡劭爲淮南太守使鈴下閭外吹曝作乾飯竝見御覽八百五十亦通作干飯

後漢書獨行傳明堂之奠干飯寒水

糗齏也飯而磨散之使齏碎也

畢沅曰今本脫散字據御覽引補齊民要術有作杭米糗齏法

取杭米沃灑作飯暴令燥擣細磨粗細作兩種折

餽候也候人飢者以食之也

葉德炯曰說文餽乾食也養餽也陳楚之間相謂食麥曰餽

相謂食麥曰餽秦人謂相謂食麥曰餽餽據此是古人以麥食作乾糧矣魏志袁術傳注引吳書云袁術士眾絕糧問廚下尚有麥屑三十斛時盛暑欲得蜜漿又無蜜坐櫺牀上歎息此亦以麥爲乾糧之證云候人飢者食之即相謂食麥之義也相謂畱食正以其行道阻飢耳詩民之食德乾餽以愆止謂相謂而不設食遂爲愆尤也

煮麥曰麭麭亦齏也煮熟則齏壞也

畢沅曰今本麭作麭說據御覽引改說文麭麥甘齏

也與煮麥義亦合

柰油擣柰實和以塗糒上燥而發之形似油也杏油亦如之

畢沅

曰今本末句杏油亦作柰油誤也據御覽引改正案柰實不聞可爲油據齊民要術說棗油法稱鄭康成云棗油擣棗實和以塗糒上燥而形似油也乃成之與此相似雖非引本書亦得證此之誤又齊民要術引本書云杏可以爲油蓋據此文杏油亦

如之之言而云然本書實未有杏可以為油之言也

桃濫水漬而藏之其味濫濫然酢也

畢沅曰鄭注禮記內則說濫云以諸和水也紀昌之

間名諸為濫釋文乾桃乾梅皆曰諸然則桃濫以水漬桃諸為之也

柰脯切柰暴乾之如脯也

畢沅曰齊民要術說棗脯法切棗暴中破暴乾即成矣二法相仿此似當作棗脯據御覽引則實是柰脯

鮑魚鮑腐也埋藏淹使腐臭也

畢沅曰說文鮑鮑魚也鄭注周禮籩人云鮑者於福室中糗乾

之出於江也顏注漢書貨殖傳云鮑今之鮑魚也秦始皇載鮑亂臭是鮑魚耳鄭說非也先謙曰吳校淹作奄下有之字

蟹胥取蟹藏之使骨肉解胥胥然也

畢沅曰今本解下有之字據義似衍刪之說文胥蟹

醢也鄭康成注周禮庖人供祭祀之好羞云若青州之蟹胥字林云蟹胥也

蟹螯去其匡螯熟擣之令如螯也

畢沅曰匡下螯字衍據北堂書鈔御覽引皆無段云當作

加蟹脫加字

桃諸藏桃也諸儲也藏以爲儲待給冬月用之也

畢沅曰禮記內則有桃諸

梅諸然則梅諸亦藏以待用者也用之疑當作之用

瓠蓄皮瓠以爲脯

畢沅曰剝其皮曰皮說文剝取獸革者謂之皮戰國策聶政皮面抉眼成蓉鏡曰晉書祖

述傳耆老歌元酒忘勞甘瓠脯

蓄積以待冬月時用之也

畢沅曰齊民要術所引月下無時字用下

無之字

釋采帛第十四

青生也象物生時色也

葉德炯曰考工記續畫之事東方謂之青素問玉機真藏論東方木也萬物之

所以始生也

赤赫也太陽之色也

葉德炯曰易說卦離爲火爲日說文赤南方色也赫火赤貌日實也太陽之精火燁

也南方之行先謙曰吳校太陽上補赫赫二字

黃晃也猶晃晃象日光色也

葉德炯曰廣雅釋訓晃晃光也案說文無晃字本作煌御覽天部三

引易傳云曰
煌煌似黃

白啟也如冰啟時色也

王啟原曰爾雅馬前足皆白啟以色名之是有白義說文后訓開啟訓致經典

無別引申之二字義通山濤之啟事即白事也漢晉人書牘首尾云某白猶後人之言某啟也先謙曰冰啟禮月令所謂開冰

薦廟也白啟聲不近俟攷

黑晦也如晦冥時色也

葉德炯曰說文黑火所熏之色也公羊成十六年傳晦者何冥也莊子逍遙遊

釋文引東方朔十州記水黑色謂之冥先謙曰黑則未有不晦者本書釋水海晦也其色黑而晦也

絳工也染之難得色以得色爲工也

畢沅曰鄭注儀禮士冠禮云纁裳淺絳裳凡染絳一

入謂之纁再入謂之纁三入謂之纁朱則四入與三入猶爲淺絳故曰染之難得色說文絳大赤也絲純赤也此篇不別出朱

文蓋朱即絳也

紫疵也非正色五色之疵瑕以惑人者也

畢沅曰論語陽貨篇云子曰惡紫之章朱

也葉德炯曰說文紫白青赤色漢書王莽傳注引應劭曰紫間色

紅絳也白色之似絳者也

畢沅曰說文紅帛赤白色从糸工聲工牟聲相近故前文云絳工也此云

紅絳也吳胡寅曰紅絳也吳校作紅亦工也案紅从工聲

依本書例當以聲近字爲訓絳既訓工故云紅亦工也

細桑也如桑葉初生之色也

畢沅曰御覽引曰細桑花初生色也說文無細字意古者假借湘字

爲之孫詒讓曰周禮內司服有鞠衣鄭注鞠衣黃桑服也色如鞠塵象桑葉始生者急就篇鬱金半見細白藟顏注細淺黃也

綠瀏也荆泉之水於上視之瀏然綠色此似之也

畢沅曰荆泉之水蓋卽滄

浪之水也滄浪亦以其色名之王啟原曰荆泉當是荆淵唐人

避諱改非本文當謂今湖南之水漢時荊州刺史治武陵索縣

瀏然綠色唯湘中水足以當之長沙郡之瀏水亦

以邑名之滄浪水孺子歌清濁並言非全清者

縹猶漂也

畢沅曰今本脫漂也二字據一切經音義引增

漂漂淺青色也

畢沅曰說文縹帛青白色

也先謙曰爾雅翠微邪疏

有碧縹有天縹有骨縹各以其色所

山氣青縹色故曰翠微也

象言之也

先謙曰說文碧石之青美者漢書司馬相如傳注謂石之青白色者也天縹若今俗言天青色骨縹則青

黃色矣隋禮儀志所謂黃縹也

緇也泥之黑者曰澤此色然也

畢沅曰說文緇帛黑色也

阜

畢沅曰說文作阜阜斗櫟實也一曰象斗从艸阜聲後來相承以阜爲艸字遂別造白下十或白下七之字以爲阜字

阜也曰未出時早起視物皆黑此色如之也

布布也布列眾縷爲經

畢沅曰眾御覽引作諸

以緯橫成之也又太古衣

皮

畢沅曰禮記禮運云食鳥獸之肉飲其血茹其毛未有麻絲衣其羽皮

女工之始始於是施布

其法使民盡用之也

疎者言其經緯疎也

畢沅曰疎爲疏之俗體後漢書文苑傳補衡著布單衣疎巾役人又改作練皆說文

所無吳翊寅曰吳校作亦言疎也其經緯疎也合上爲一條案布疎一聲之轉布又與絹對文別爲條非先謙曰下別有疏一條

絹經也其絲經厚而疎也

畢沅曰今本經皆作經訛段云經古堅字皆从糸臣聲玉篇引成公四年

鄭伯矩卒今春秋作鄭伯堅矩亦經之譌玉篇音古干古兩二切初學記一音古費切費乃賢之訛也先謙曰廣雅釋器絹謂

之精說文綃生絲也一切經音義十五引通俗文云生絲綃曰綃合並絲綃曰緣之訓證以本書可知綃緣之別漢書外戚傳注緣即今之綃也解殊未賅

練亦也其絲細緻數兼於絹染兼五色細緻不漏水也畢沅曰今本作

練兼也其絲細緻數兼於布絹也細緻染緣為五色細且緻不漏水也據御覽引改說文緣并絲綃也

練爛也煮使委爛也蘇輿曰說文練凍絹也从糸束聲華嚴經音義引珠叢云煮絲令熟曰練此練之本

義引中為凡事練熟之稱漢書薛宣傳練國制度顏注練猶熟也文選韋孟諷諫詩瞻惟我王時靡不委李注委練也練熟練委並原

於此訓

素朴素也已織則供用不復加功飾也畢沅曰今本功作巧據御覽引改藝文類聚引

作不復加飾也又物不加飾皆目謂之素此色然也畢沅曰今本目誤作自據義改說文

素白緻縞也先謙曰皆目謂之素吳校作皆目之為素

綃似蛭蟲之色綠而澤也畢沅曰蛭謂蛭蛭小蟬也郭注方言蛭蛭云江南呼蛭蛭蛭二字說文

皆無之說文緯厚紺也御覽引說文云緯赤黃色也蓋別有一義今脫佚矣先謙曰急就篇顏注緯厚紺之滑澤者漢書外戚傳有綠縹方底與成國所言緯而澤相證合漢文帝衣皁縹後世則絳紺青白緋紫黃縹不一其色成國舉一狀之耳

錦金也作之用功重其價如金

畢沅曰今本其上行於字據廣韻引刪葉德炯曰漢時錦名最

多有斜文錦蒲桃錦見西京雜記有虎文錦見漢官儀有走龍錦翻鴻錦雲鳳錦均甘泉宮招仙靈閣物見郭子元洞冥記有鴛鴦萬金錦蛟文萬金錦均成帝賜後宮物見博物要覽有綠地五色錦見吳淑事類賦引西京雜記有雲錦紫錦見漢武內傳至三國名目尤繁如御覽布帛部二載魏志絳地文龍錦紺地句文錦暴文雜錦又載魏武詔如意虎頭連璧錦金薄蜀薄等大都隨織文命名如下條綺之例因成國未及補注於此故其制字從帛與金也畢沅曰從字據廣韻引增案說文錦襄邑織文也从帛金聲是諸聲字从帛與金說為會意非制字之本旨矣

綺鼓也其文鼓邪不順經緯之縱橫也

畢沅曰說文綺文縉也案織文縉必二人一人

於機中投杼一人居於機上提絜其經而操縱之使經緯間錯成文故曰不順經緯之縱橫有杯文形似杯也有長命其綵色相間皆橫終幅此之謂也畢沅曰御覽引無此四字成蓉鏡曰

御覽八百十六引東宮舊事云太子納妃有七綵杯文綺被一絳石杯文綺被一七綵杯文絳袴長命杯文綺袴言長

命者服之使人命長葉德炯曰玉燭寶典五月引董勛問禮俗云夏至上長命縷又引荆楚歲時記云士

女取練葉捶頭絲絲繫臂謂爲長命縷又引沈約宋書云元嘉四年楚斷夏至日五絲長命縷之屬知長命縷爲六朝通用之物而藝文類聚歲時部中引風俗通云五月五日以五絲絲繫

臂者辟兵及鬼令人不病溫又云五月五日續命縷俗說以益人命西京雜記取絲絲就北斗星求長命二說

尤與使人命長之說合蓋漢時風俗有此語也本造者之意也

畢沅曰造者今本謂有基文方文如基也有者字以杯文長命

作造意據御覽引改

二句例之則不當有御覽引無者字據刪

綾凌也其文望之如冰凌之理也蘇輿曰說文東齊謂布帛之細者曰綾从糸菱聲綾凌疊

均初學記引風俗通積冰曰凌以其文理細淨有似冰凌之色故云

繡修也文修修然也葉德炯曰詩終南獻衣繡裳毛傳五色備謂之繡禮記禮運義之修而禮之藏注修

猶飾荀子儒效脩脩兮其用統

類之行也脩脩卽修修之假借

羅文羅疎也

畢沅曰今本作文疎羅初學記藝文類聚御覽皆引作文羅疎據改審字義當為羅既蘇與曰文羅

下當更有羅字初學記諸書引並脫羅羅疎疎貌言文理羅羅而疎也上云文脩脩然此云文羅羅疎疎正一例本書釋宮室羅羅也疎離離然也羅離聲近羅羅疏猶彼云疏離離矣世說司馬太傳為二王目曰孝伯亭亭直上阿大羅羅清疏足證羅羅二字之義先謙曰吳校作文疎羅羅也

纚徒也羅可以徒物也

葉德炯曰說文纚冠織也案假借當為簾說文簾可以取粗去細即此義也此

蓋羅之極稀者

笱辟經絲貫杼中一閒并一閒疏疏者笱笱然并者歷辟而密

也

葉德炯曰案此今之五絲羅七絲羅也笱讀如車笱之笱辟讀如辟析之辟一閒并猶言一格合并一閒疏猶言一格稀

疏廣雅釋器笱籠也今織熏籠者亦是如此蘇與曰本書釋天歷辟析也所歷皆破析也亦此歷辟之義析其絲令細織之故

也

紡羅絲織之曰疏疏寥也寥寥然也

先謙曰與上條言其經緯疏也同意說文寥作廖云

也 空虛

穀粟也

畢沅曰急就篇補注引作沙也

其形威威

畢沅曰今本作其形足足而跟御覽引作其形威威據改

威讀如迫促之促絲縷急威則起縷文如粟矣俗書威字下安

足非也蘇與曰御覽布帛三引穀作穀云穀粟也其形威威如

也無以下文吳胡寅曰吳校作跟跟下同案原本誤足足御覽

作威威可悟皆蹙蹙之譌依本書例作蹙蹙爲是原不必盡依

說文視之如粟也又謂之沙亦取威威如沙也

畢沅曰今本沙下有穀字衍又

威威作蹙蹙今案亦者亦上文也當從上作威威鄭注周禮內

司服云今世有沙穀者兼而名之也皮錫瑞曰漢書江充傳紗

穀禪衣師古曰紗穀紡絲而織之也續漢書

與服志亦有紗穀單衣文選七啟紗穀之裳

總惠也

畢沅曰今本脫此二字據御覽引補

齊人謂涼爲惠言服之輕細涼惠也

畢沅曰儀禮喪服有總縗裳傳曰總縗者何以小功之縗也鄭

注云治其縗如小功而成布四升半凡布細而疏者謂之總今

南陽有鄧總喪服記曰總縗四升有半

蘇與曰御覽布帛七引惠作慧惠慧同

紈煥也細澤有光煥煥然也

畢沅曰今本煥作煥御覽引作煥亦說文新附字

蒸栗染紺使黃色如蒸栗然也王先慎曰急就篇蒸栗紺紺紅燃注蒸栗黃色若蒸熟之栗也

紺含也青而含赤色也

畢沅曰一切經音義引青上有謂字說文紺帛深青揚赤色

緜猶酒酒柔而無文也

先謙曰禮玉藻疏好者為緜惡者為絮酒本訓為沈於酒此假以為狀詩蕩疏

酒者顏色酒然齊一之辭漢書敘傳酒酒紛紛借義亦同

綸倫也作之有倫理也

畢沅曰說文倫理也則不當用人傍之倫後人多通用先謙曰本書釋水淪倫

也水文相次有倫理也與此同知本書不盡依說文

絮也胥久能解落也

王啟原曰能呂本作故先謙曰說文絮敝縣也胥與須同詩桑扈疏胥須古今

字宋陳道人刊本能亦作故

紬抽也抽引絲端出細緒也

畢沅曰說文納大絲緒也

又謂之絪絪挂也挂

於杖端

畢沅曰杖直實反

振舉之也

畢沅曰今本杖作帳據御覽引改此皆言縑絲之法也案說文絪絪

泮柱頭也一日以囊絮練也从糸圭聲說與此異

煮繭曰莫莫幕也

畢沅曰此七字今本作繭幕也三字據御覽引增

貧者著衣可以幕

絡絮也

畢沅曰御覽引無絡字

或謂之牽離煮熟爛牽引使離散如縣然

也

畢沅曰御覽無然字案御覽引說文曰桂繭泮柱頭也一日牽離然則說文之所謂絰與此同與上異也今人以繭之不

堪為絲者乃為縣其作之法與此所言無異著衣之著音竹呂反禮記玉藻纁為繭纁為袍鄭注繭袍衣有著之異名也纁新縣纁謂今纁及舊絮也蓋貧者衣不能純綿但用新縣幕絰於舊絮之上又今人以古貝著衣亦以縣幕絰之知此古今同也成蓉鏡曰王隱晉書曰洛中歌何德貞二人其披一幡牽離奈何見御覽入百十九吳翊寅曰或謂之牽離以下三句當合絰絰為條各本皆誤

釋首飾第十五

冠貫也所以貫韜髮也

畢沅曰說文冠案也所以案髮弁冕之總名也从口元元亦聲冠有法制从寸

案貫當作冊說文貫乃泉貝之貫冊則穿物持之也从一橫冊讀若冠今則通用貫字蘇輿曰白虎通冠緇篇所以有冠者何

冠者幘也所以幘持其髮者也注
繩祖云幘當作希與貫聲義通

纓頸也自上而下繫於頸也

畢沅曰今本脫下字據御覽引增案纓冠系也鄭注儀禮士冠禮云

有筭者屈組爲紘垂爲飾無筭者纓而結其條賈公彥疏屈組謂以一條組於左筭上繫定繞頤下右相向上仰屬於筭屈組之有餘四垂爲飾也無筭則以二條組爲纓兩相屬於頤其所垂條於頤下結之故云纓而結其條也此言自上而下繫於頸則是二條組兩相垂下者也

弁係也所以係冠使不墜也

畢沅曰士冠禮有皮弁弁爵弁弁鄭注弁今之簪

祭服曰冕

畢沅曰天子冕服有六皆祭服也詳周禮司服

冕猶俛也俛平直貌也

蘇輿曰御

覽服章三引俛下無也字白虎通論冕制云禮曰周冕而祭又云十一月之時陽氣俛仰黃泉之下萬物被施如冕前俛而後仰故謂之冕也後漢書明帝紀注引三禮圖云冕以十三升布染而爲之廣八寸長尺六寸前圓後方前下後高有俯伏之形故謂之冕欲人之位彌高而志彌下故以名焉亦言文也
蘇輿曰御覽服章三引無此句玄上纁下前
後垂珠有文飾也
畢沅曰周禮弁師掌王之五冕皆玄冕朱裏延紐五采藻十有二就皆五采玉十有二玉

并朱紱是有文飾者也玄上謂冠上色玄纁下謂朱裏也此所言珠亦以玉爲之續漢書與服志乘輿冕係白玉珠三公諸侯青玉爲珠卿大夫黑玉爲珠蓋衮冕用玉二百八十八其形僅如珠始不過重耳晉書與服志云漢以來天子之冕前後旒用眞白玉珠魏明帝好婦人之飾改以珊瑚珠是知珠旒通稱耳蘇輿曰御覽服章三引應劭漢官儀云周冕與古冕略等周加垂旒天子前後垂眞白珠各十二據此則垂眞白珠不始於漢又蔡邕獨斷云漢明帝採尚書皋繇及周官禮記以定冕制皆廣七寸長尺二寸係白珠於其端有衮冕衮卷也畫卷龍於衣十二旒三公及諸侯九旒卿七旒有衮冕衮卷也畫卷龍於衣也畢沅曰鄭仲師注司服云衮卷龍衣也卷渠緣反蘇輿曰御覽服章三引摯氏決疑要注云秦除六冕之制明帝永平中使諸儒案古文有鷩冕鷩雉山雉也畢沅曰今本作鷩雉之鷩始復造衮冕有鷩冕鷩雉山雉也惡者山雉是也據御覽引改鷩鷩也畢沅曰說文心部無鷩字列子力命篇鷩鷩乃急性速之貌廣雅釋詁鷩鷩惡也曹憲音埤列芳列二切性

急鷩不可生服必自殺故畫其形於衣以象人執耿介之節也

畢沅曰鄭康成注司服云鷩畫以雉謂華蟲也鷩鷩鷩也畫又注大宗伯云雉取其守介而死不失其節鷩鷩鷩也畫

藻文於衣象水草之雝雝溫暖而潔也畢沅曰康成注司服云雝畫虎雝謂宗彝也以

冕服五等之章差之鄉說為長孫詒讓曰芮疑即輶之假字呂氏春秋必已篇云不衣芮溫黼也注云黼也畫黻紱文采於衣也畢沅曰黻冕當為帶冕帶紱也畫黻二刺黼黻二章故得帶名周禮作希冕康成注希刺粉米一章無畫裳又有玄冕康成云玄者衣無文裳刺黻而已是以謂玄焉案此乃所謂黻冕今并合此皆隨衣而名之也所垂前後珠轉減耳二冕無分別似非畢沅曰周制王之五冕衮冕之旒十有二就鷩冕九就毳冕七就緇冕五就玄冕三就其玉則五冕皆每就十有二後亦如之公侯以下自九就以至三就凡四等其前後用玉多寡各視其就數以尊卑為差也此言所垂前後珠轉減亦如是用玉之數爾

章甫殷冠名也甫丈夫也服之所以表章丈夫也畢沅曰御覽引作殷以之

表章丈夫也儀禮士冠記章甫殷道也鄭注章明也殷質言以表明丈夫也蘇輿曰丈夫御覽服章二引並作大夫

舄亦殷冠名也舄屨也屨之言覆言以覆首也畢沅曰本無此條案周弁殷舄

夏收等爾不應有弁收而無舄鄭注士冠記曰舄名出於屨屨覆也言所以自覆飾也今仿鄭君注義以增此條惟是說文無

聃字蓋後人鈔寫有脫落也說文覓字解說云冕也周曰覓殷曰聃夏曰收則說文必本有聃字聃从同叮聲當增入曰部

牟追牟冒也言其形冒髮追追然也畢沅曰牟追士冠記郊特牲皆作母追鄭注士冠記

叶發聲也追猶白也夏后氏質以其形言之案母讀亦為牟說文牟牛鳴也則解牟為發聲亦可蘇輿曰追追大貌白虎通冠

緋篇夏統十二月為正其飾最大故曰母追母追者言其追大也是以追訓大之證

收夏后氏冠名也言收斂髮也畢沅曰鄭注士冠記亦云收言所以收斂髮也

委貌冠形委曲之貌上小下大也畢沅曰委曲之貌今本作又委貌之貌據御覽引改鄭注

士冠記云委猶安也言所以安正容貌案鄭義差長蘇輿曰白虎通所以謂之委貌何周統十一月為正萬物始萌小故為冠

飾最小故曰委貌委貌者言委曲有貌也與此合士冠禮委貌周道也

弁畢沅曰說文如兩手相合扑時也畢沅曰扑說文作拊云拊

記音奮如小弁亦作小卞後人通用無別矣蘇輿曰白虎通弁之為言攀也所以攀持其髮也士冠禮鄭注弁名出於槃槃大

也拊攀槃以爵韋為之謂之爵弁畢沅曰鄭注士冠禮云爵弁者冕之次其色赤而微黑如

爵頭然蘇輿曰白虎通爵弁者何謂也其色如爵頭周人宗廟
士之冠也御覽服章三引董巴輿服志爵弁一名冕廣八寸長
尺二寸如爵形前小後大其上似爵頭色有收持并所謂殷收夏時者也以鹿皮爲之謂之皮弁畢
曰鄭注士冠禮云皮弁者以白鹿皮爲冠成器鏡曰以鹿皮九
字當在韋弁下聘禮君使卿韋弁歸饗餼注變皮弁服韋弁敬
也疏案周禮春官司服王之吉服有九祭服之下先云兵事韋
弁服後云視朝皮弁服則韋弁尊於皮弁是其證蘇輿曰白虎
通皮弁者何也所以法古至質冠之名也御覽服章三引三禮
圖云皮弁以鹿皮淺毛黃白色者爲之高尺二寸左僖二十八
年傳楚子玉自爲瓊弁玉
纓杜注弁以鹿子皮爲之以韎韋爲之謂之韋弁也畢沅曰周
凡兵事韋弁服鄭注
韋弁以韎韋爲弁

纓以韎髮者也以纓爲之因以爲名

畢沅曰士冠禮緇纓纓廣終

梁也終充也纓一幅長六尺足以韎髮而結之
矣釋文韎本作𦏧先謙曰吳校句未有也字

總束髮也總而束之也

畢沅曰鄭注禮記
內則云總束髮也

幘蹟也下齊眉蹟然也

畢沅曰眉今本譌作員據御覽引改蹟
御覽作蹟說文無蹟字故不從蘇輿曰

後漢書輿服志幘者或曰畢沅曰今本無兒上小下大兒然

也蘇輿曰上小下大其形尖銳故象或曰耿耿折其後也畢沅

文無耿字未考得實姑仍而不改通俗文云帛幘曰恰意此本

作恰與然說文亦無恰字成蓉鏡曰耿當作帙廣韻三十二洽

恰或體作昌帙先或曰幘畢沅曰此正說幘不應又言或曰幘

謙曰吳校作帙也方言曰覆結謂之幘形似幘也賤者所著曰兒髮作之裁裏

髮也皮錫瑞曰蔡邕獨斷云幘古者或曰牛心形似之也

帽畢沅曰此俗字也說文作冒也先謙曰漢書雋不疑傳

巾謹也二十成人士冠庶人巾當自謹修四教也畢沅曰今本

字據御覽引刪

簪畢沅曰本作先則音兢也畢沅曰兢子林反以兢連冠於髮

也又枝也因形名之也葉德炯曰文選招隱詩注引蒼

摘畢沅曰說文無摘字以音摘也所以摘髮也畢沅曰詩君子偕老云象之摘也毛傳持所以摘髮也釋文摘木又作捷又作謫竝非案說文捷搔也然則作捷良是此條兩摘字皆當作捷詩釋文反以爲非陸德明不知遵說文也

導所以導櫟鬢髮使入巾幘之裏也或曰櫟鬢以事名之也成

鏡曰文選餞呂僧珍詩注引通俗文曰幘道曰簪道御覽六百八十八引作導吳均續齊諧記蔣潛乃注看之見有犀導乃拔取諸葛恢集詔答恢曰今送一犀導小物耳竝見御覽

鏡景也言有光景也畢沅曰初學記御覽引皆無言字葉德炯曰說文鏡景也

梳言其齒疏也數言比畢沅曰此貧界反俗所謂編箕也數密也所角反先謙曰吳校作數者曰比

比於梳其齒差數也畢沅曰此比字必履反比言細相比也蘇

曰御覽服用十六引云批言其細相比也先謙曰吳校比言作亦言

敝帥也帥髮長短皆令上從也亦言瑟也敝髮令上瑟然也葉德

炯曰說文荔草根可作刷又御覽服用部二十引東宮舊事云太子納妃有七猪薳刷按此是二種一以草根一以猪毫又御覽引通俗文所

以理髮謂之刷

鐺畢沅曰此俗字也依說文當作簪簪尼輒反

攝也攝取髮也

葉德炯曰御覽服飾部二十引通俗文云

披減髮鬚謂之鐺

綃頭

畢沅曰古樂府云行者見羅敷脫帽著綃頭方言作幪頭孫楷曰後漢書逸民傳周黨著穀布綃頭獨行傳向相著

絳綃

綃鈔也鈔髮使上從也或謂之陌頭

畢沅曰今本作或曰御覽引作或謂之據

改孫楷曰方言絡頭幪頭也廣雅云幪頭絡頭幪頭也漢書周勃傳太后以冒絮提文帝應劭云幪額絮也幪與陌同

言

其從後橫陌而前也

畢沅曰說文無陌字據橫陌之義字當作末漢書谷永傳曰末殺災異皮錫端曰禮

問喪雞斯注雞斯當為笄纓聲之誤也今時始喪者邪巾邪頭笄纓之存象也集韻邪巾邪頭始喪之服類篇帕邪巾也陌陌

帕陌

齊人謂之幪

畢沅曰方言幪頭趙魏之間或謂之幪

言斂髮使上從也

畢沅曰今

本言下有幪字

係誤衍刪之

王后

畢沅曰後漢書烏桓傳注引作皇后鵠

首飾曰副副覆也以覆首亦言副貳

也兼用眾物成其飾也步搖上有垂珠步則搖動也

畢沅曰今本步搖云

云列於剔刑人之髮爲之也之後提行別起御覽引曰后首飾曰副副覆也以覆於首上有垂珠步則搖也無亦言至步搖十五字案鄭注周禮追師云副之言覆所以覆首爲之飾其遺象若今步髻矣然則副與步搖異名同類當使相從故移於此亦言副貳云云當依今本存之動字據一切經音義引增孫楷曰續漢志以條假結步搖簪珥步搖以黃金爲山題貫白珠爲桂枝相糝一爵九華熊虎赤羆天鹿辟邪南山豐大特六獸詩所謂副笄六珈者鄭君詩箋云珈之言加也副既笄而加飾如今步搖上飾又注明堂位副褱云首飾也今之步搖是也蓋兼用眾物成其飾眾物卽步搖上諸爵獸此乃飾之最盛者漢世唯皇后服之及長公主見會衣服亦加焉蘇輿曰御覽服用十七引宋玉風賦主人之女垂珠步搖又引晉令云步搖蔽髻皆爲禁物然則步搖漢世貴編編髮爲之也

畢沅曰今本脫也字從賤通用迄晉而廢也

列髮爲之其遺

次畢沅曰今本脫此

次第髮也

畢沅曰鄭注追師云次次第髮

象若今假紒矣

髮

畢沅曰今本謬

被也髮少者得以被助其髮也鬢

剔也剔刑人之髮爲之也

畢沅曰刑人有當髡者取其髮以爲髡哀十七年左傳云衛莊公登城見

己氏之妻髮美使髡之以爲呂姜髡是非刑人而髡之故結仇怨卒爲所殺

箇

畢沅曰說文無箇字依說文當作櫛孫楷曰箇又作箇續漢志云太皇太后皇太后以條剪髡箇摘長一尺左右一橫簪

之以安箇公卿及二千石

恢也恢廓覆髮上也魯人曰頰

畢沅曰鄭

注士冠禮云滕薛名箇爲類案滕薛國皆近魯故其稱名同說文亦無箇字

頰傾也著之傾近前也

齊人曰幌

畢沅曰今本譌作幌案廣雅箇謂之幌玉篇廣韻皆云幌箇也莫教反據改然說文亦無幌字當止作兒

兒卽形飾形貌也貌字也

華勝

畢沅曰今本脫此二字據御覽引增

華象草木華也勝言人形容正等一人

著之則勝

王啟原曰呂本則勝下有也字蘇輿曰玉燭寶典一引云花象草木花也言人形容收等著之則勝御覽

服用二十一引亦云花勝草花

蔽髮前爲飾也

成蓉鏡曰續漢書輿服志簪以

瑇瑁爲撻長一尺端爲華勝孫楷曰司馬相如大人賦觀西王母焉然白首戴勝而穴處兮師古注勝新婦首飾也漢代謂之

華勝荆楚歲時記云正月七日鑲金箔爲人勝以貼屏風亦戴之頭髻又造華勝以相遺

釵叉也象叉之形因名之也

畢沅曰今本脫此十一字據御覽引補藝文類聚引作叉枝也因形

名之爵釵釵頭施爵也

畢沅曰今本釵頭下有及上二字據御覽引刪葉德炯曰文選二十七曹子建

樂府注引頭上有上字又二十八日出東南隅注引有及上二字畢據御覽引刪非是蘇輿曰爵與雀同曹植美女篇頭挿金爵釵腰佩翠珥珥晉令六品以下得服爵釵以蔽

璫鎖也

皮錫瑞曰周禮天府注故書鎖作璫先鄭云璫讀爲鎖典瑞云王執鎖圭注故書鎖作璫外鄭云璫讀爲鎖

縣當耳傍不欲使人妄聽自鎖重也

畢沅曰毛詩君子偕老傳云璫塞耳也

或曰

充耳充塞也

畢沅曰鄭箋旄上詩云充耳塞耳也

塞耳亦所以止聽也故里語曰

不瘖不聾不成姑公

成蓉鏡曰困學紀聞諸子諺云不聾不瘖不能爲公見慎子萬氏集證在亡篇中引

見御覽三百九十六今考宋青庚炳之傳不瘖不聾不成姑公隋書張孫平傳鄙語不瘖不聾未堪作大家翁趙璘因話錄郭汾陽子曖尙昇平公主琴瑟不調汾陽拘曖詣朝堂待罪上召而慰之曰諺云不瘖不聾不作阿家阿翁

遺今江淮間猶有此諺云
不癡不聾作不得阿家翁

穿耳施珠曰瑤

葉德炯曰御覽服用部二十引風俗通文耳珠曰瑤

此本出於蠻夷所為

也

蘇輿曰御覽服用二十引此句

蠻夷婦女輕浮好走

畢沅曰今本浮

誤作淫據

故以此瑤錘之也

畢沅曰今本瑤上有珣字據一切經音義引刪

今中國人

效之耳

蘇輿曰御覽服用二十引作今中國用耳瑤倣之也

脂砥也著面柔滑如砥石也

成蓉鏡曰御覽七百十九引郭義恭廣志曰面脂魏興以來始有之

今考史游急就章芬薰脂粉膏澤箭是西漢時已尚之廣志非

粉分也研米使分散也胡粉胡餠也脂合以塗面也經粉經赤

也染粉使赤以著頰上也

畢沅曰經粉以下云云今本列於篇末第錄也之後別為一條茲據御覽

引移以并合於此經類同御覽音勅真切成蓉鏡曰說文粉傅面者也小徐曰古傳面亦用米粉故齊民要術有傅面英粉段氏難之曰傳人面者胡粉也今案據本書云研米使分散而繫之釋首飾篇則小徐是也故急就章顏注云粉謂鉛粉及米粉

皆以傅面取光潔也韻會亦云古傅面亦用米粉又案抱朴子民不信黃丹及胡粉是化鉛所作御覽七百十九引漢官儀曰省中以胡粉塗壁又引續漢書云李固奏免百餘人誣固曰大行在殯固獨胡粉飾貌

黛畢沅曰說文顰畫眉也从黑从聲後來皆作黛字不能復矣葉德炯曰御覽服用部二十引通俗文染青石謂之點黛又

引後漢書口明德馬后眉不施黛獨左眉角小缺傳之如粟代也滅眉毛去之以此畫代其

處也畢沅曰戴侗曾見唐本說文顰字下注云或作代案唐本今不可見疑是或從代聲蘇輿曰御覽服用二十一引作

滅去眉毛以此代其處也

脣脂以丹作之象脣赤也畢沅曰唐人謂之口脂

香澤者蘇輿曰御覽服用二十一引無香字者字併人髮恆枯在脣脂條上是宋時所見本此條在脣脂前人髮恆枯

頰以此濡澤之也葉德炯曰御覽服用二十一引禁邑女誡曰傳脂則思其心之和澤髮則思其心之潤

彊其性凝強以制服亂髮也畢沅曰此似後世之所謂網巾今優人猶用之先謙曰此物與香澤

諸物爲類又舉其性爲言則非網巾明矣蓋若今婦女所用刷髮之美人膠俗稱鈹花者

以丹注面曰灼

畢沅曰今本作勺北堂書鈔御覽皆引作灼據改下同蘇與曰王粲神女賦施華灼結丹釵傳

元鏡賦珥明璫之迢迢點雙灼

灼也蘇與曰說文口部灼明也

也焯明也此灼訓明字當作焯經傳多段灼

此本天子諸侯羣

妾當以次進御

畢沅曰周禮九嬪鄭注說羣妃御見之法卑者宜先尊者宜後女御八十一人當九夕世婦二

十七人當三夕九嬪九人當一夕三夫人當一夕后當一夕十五日而徧自望後反之御覽羣妾作有羣妾者其有月

事者止而不御

畢沅曰月事漢律所謂姙變重以口說畢沅曰故注此丹於

面灼然爲識女史見之

畢沅曰周禮天官女史八人鄭注女史女奴曉書者王啟原曰呂本此下無丹

字則不書其名於第錄也

畢沅曰毛詩靜女傳云古者后夫人必有女史彤管之法史不記過其罪

殺之后妃羣妾以禮御於君所女史書其日月授之以環以進退之生子月辰則以金環退之當御者以銀環進之著於左手

既御著於右手事無大小記以成法

釋名疏證補卷第四

釋名疏證補卷第五

長沙王先謙撰集

釋衣服第十六

釋宮室第十七

釋衣服第十六

凡服上曰衣衣依也人所依以芘寒暑也下曰裳裳障也所以

自障蔽也

畢沅曰說文衣依也上曰衣下曰裳象覆二人之形也又曰常下幫也从巾尙聲又或从衣白虎通曰衣

者隱也裳者障也所以隱形自障閉也說文有庇無芘案莊子人間世篇用芘字與庇同玉篇芘爲古文芘字

領頸也

王先慎曰詩碩人桑扈毛傳並云領頸也

以壅頸也亦言總領衣體爲端首

也

先謙曰荀子勸學篇若挈裘領誦五指而頓之順者不可勝數也領爲衣之端首引伸之爲總領事務之稱此成國以引

伸之義釋本字也漢書魏相傳總領眾職楊惲傳總領從官總領二字漢世恒言

襟禁也交於前

畢沅曰襟說文作衿云衿交衽也从衣金聲蘇與曰經傳襟衿通用方言衿謂之交文選陸士

衡贈從兄車騎詩注衿猶前也卽此交於前之義顏氏家訓書證篇云詩言青青子衿傳曰青青衿也學子之服案古者斜

領下連於衿故謂領爲衿孫炎郭璞注爾雅曹大家注列女傳並云衿交領也案衿卽領之下施而交於前者顏所引並以衿領爲一成國則所以禁禦風寒也

袂掣也掣開也

畢沅曰說文無掣字易睽六三爻辭見輿曳其牛掣爾雅釋訓粵峯掣曳也郭注謂牽挽釋文

掣本或作瘁說文引縱曰瘁是有開之義玉篇亦云掣同瘁

開張之以受臂屈伸也

畢沅曰禮記玉

藻云袂可以回肘先謙曰袂掣疊韻左傳五年傳疏袂屬於幅長於手反屈至肘則從幅盡於袖口總名爲袂禮深衣注袂屬幅於衣詘而至肘當臂中爲節故云開張之以受臂屈伸

祛虛也

畢沅曰玉藻祛尺二寸鄭注祛袂口也先謙曰案舊說不同說文祛衣袂也袖袂也袂袖也此渾言之禮儒行

注袂二尺二寸祛尺二寸詩羔裘釋文祛袂末也遵大路疏玉藻疏同喪服記注祛袖口也案袂末之訓較袖口爲安末兼肘下言之不專指袖口也左傳五年傳披斬其祛明是斬袖之一段不專袖口故疏爲調停之詞云其袂近口又別名爲祛也此一義也說文祛下又云一曰祛裏也裏者裏也裏下云裏也裏下云俠也使挾字通國語韋注在掖曰挾證以子生三年然後免於父母之懷是祛正在肘上掖下切近胸前可裏裏人物之處與成國祛虛也之訓相合此又一義也自懷抱字行而裏裏

二字幾廢即說文祛訓
裏袞之義亦莫能明矣

袖由也畢沅曰說文袞袂也从手所由出入也亦言受也以受

手也畢沅曰以上三條類也不應分列當云袂舉也

紵亦禁也禁使不得解散也畢沅曰說文紵衣系也蘇輿曰紵

也禁繫之也禮內則紵纓綦履鄭注紵
猶紵也玉篇紵結衣也結亦有禁義

帶帶也著於衣畢沅曰衣御如物之繫帶也葉德炯曰說文帶

人鞶絲象繫佩之形佩必有巾从巾又鞶瓜當也从艸帶聲按
詩有狐之子無帶毛傳帶所以申束衣禮少儀葛經而麻帶鄭

注帶所以結束衣蓋瓜當繫帶猶衣繫帶帶字又从帶得聲
故成國取以爲訓蘇輿曰御覽服章十三引作如物帶也

糸繫也相聯繫也畢沅曰說文糸

衽襜也在旁襜襜然也畢沅曰玉藻衽當旁葉德炯曰玉藻注

邊注云衽在裳旁者也楚詞逢
紛裳襜襜而含風注襜襜搖貌

裾倨也倨倨然直

蘇輿曰方言四袿謂之裾郭注裾衣後裾也荀子宥坐篇楊注裾與倨同又子道篇注裾

裾衣服盛貌裾裾即倨倨先謙曰吳校直下補也字

亦言在後常見踞也

畢沅曰人坐則裾常在身下為

人蹲踞也

玄端其袖下正直端方與要接也

畢沅曰端說文作裾衣部云裾衣正幅从衣尚聲先謙曰

吳校玄端下補玄衣也三字袖作幅案玄端見司服士昏禮端即玄衣也樂記云端冕論語云端章甫

素積素裳也辟積其要中使跽因以名之也

畢沅曰儀禮士冠禮皮弁服素積鄭

君注積猶辟也以素為裳辟蹙其要中說與此同跽字說文云行平易也與此義不合論語跽跽如也則有蹙縮之義蹙字乃

說文新附字徐鉉謂李善文選注通蹙字皆當讀子六反

王后之上服曰褱衣

先謙曰吳校作王后之六服有褱衣

畫暈雉之文於衣也伊

洛而南雉素質五色皆備成章曰暈

畢沅曰素今本與下青字互誤據爾雅及周禮內司

服注改正本又脫皆字成章字案下文有之此亦當有亦據二書補之

搖翟

畢沅曰周禮作揄狄鄭康成注作搖翟聲

近字通也諸本竝從爾
雅搖字作縞俗書也
畫搖雉之文於衣也江淮而南青質五

色皆備成章曰搖
畢沅曰五色諸本作五采雖本爾雅然不應與上互異今據周禮注改
闕翟

曰周禮作闕狄禮記玉藻及喪大記皆作屈狄鄭仲
師注周禮引喪大記文而云屈者音聲與闕相似
翦闕緇爲

翟雉形以綴衣也鞠衣黃如鞠華色也襍衣
畢沅曰今周禮作展衣案本字當作

褻襍坦也坦然正白無文采也
畢沅曰鄭仲卽注周禮云展衣白也襍音聲與展相似此卽

用鄭說案說文褻
丹穀衣與此異
褻衣
畢沅曰周禮本作緣鄭康成改作褻此

不必
緣然黑色也
畢沅曰周禮內司服掌王后之六服褻衣揄

爲翟翟雉名伊雉而南素質五色皆備成章曰翟
狄闕狄鞠衣展衣緣衣素沙鄭康成曰狄當

質五色皆備成章曰搖王后之服刻緇爲之形而采畫之綴於
衣以爲文章褻衣畫翟者揄翟畫搖者闕翟刻而不畫此三者

皆祭服鞠衣黃桑服也色如鞠塵象桑葉始生月令三月薦鞠
衣於先帝告桑事展衣以禮見王及賓客之服字當爲襍

言賣賣誠也雜記曰夫人復稅衣揄狄又喪大記曰士妻以褻
衣言褻者甚單字或作稅此緣衣者實作褻衣也褻衣御於王

之服亦以燕居男子之褻衣黑則是亦黑也六服備於此矣素

沙者今之白縛也六服皆袍制以白縛爲裏使之張顯沉案此
康成之說善矣而猶有未是者何以言之說文有褻無褻蓋褻
字起於漢世非古字也褻字从衣丑聲屢字从尸褻省聲今仍
作展者以便讀耳爾雅釋詁展宣同詁誠然則展亦有誠義奚
必改爲褻而取宣誠之義乎據周禮緣衣則可知褻字非古故
說文不收緣从糸象聲固自有土段反之音不必改从衣也然
則當改禮記之褻爲褻褻稅皆爲緣乃反據禮記以改周禮之
字則改是从非矣甚不可也然則茲猶錄鄭注何也以其說與
此書說合錄以疏證此書耳

韞韞也韞蔽膝也所以蔽膝前也

畢沅曰今本作韞韞也所以

以蔽前也案說文市韞也上古衣蔽前而已市以象之韞篆文
市从韋友聲然則此當云韞韞也韞蔽膝也所以蔽膝前也蓋
本名韞韞急言之則兩音合一遂名韞矣韞韞乃爲韞之反語
矣蘇輿曰禮玉藻鄭注韞之言蔽也凡韞以韋爲之又云韞之
言亦蔽也是韞韞同有蔽義韞又與緇通白虎通緇者蔽也行
以蔽前者爾有事因以別尊卑彰有德也韞韞蔽从韞韻爲訓
御覽韞韞服八引五經異義云韞婦人蔽膝亦如之蘇輿曰漢書
者大帶之飾非韞也與此異婦人蔽膝亦如之東方朔傳館
陶公主迎武帝蔽膝登階又王莽傳母病公卿列侯遣夫人問
疾莽妻迎之衣不曳地布蔽膝見之者以爲僮使問知爲夫人

皆驚齊人謂之巨巾田家婦女出至田野畢沅曰至今本作以

覆其頭故因以為名也王先慎曰禮玉藻釋下廣二尺上廣一

婦女以覆其頭方言蔽鄰江淮之間謂之裊或謂之被魏宋南

楚之間謂之大巾自關東西謂之蔽鄰齊魯之郊謂之神方言

隨時變易故揚劉所說不同巨巾大巾其義一也又曰跪襜跪

先謙曰小爾雅大巾謂之冪正謂覆頭之物也

時襜襜然張也畢沅曰案爾雅衣蔽前謂之襜郭景純云今蔽膝也

佩倍也言其非一物有倍貳也有珠有玉畢沅曰毛詩女曰雜鳴傳云雜佩者珩璜

璠璣衝牙之類鄭注周禮玉府引詩傳曰佩有容刀畢沅曰芄

王上有蔥珩下有雙璠衝牙璠珠以內其間

兮遂兮垂帶悸兮鄭箋容容刀也遂璠也言惠公佩有帨巾畢

容刀與璠及垂紳帶三尺則悸悸然行止有節度

日禮記內則左佩紛帨鄭注紛帨有觿畢沅曰毛詩芄蘭傳云

拭物之巾也今齊人有言紛者

也之屬也

襦煖也言溫煖也畢沅曰說文襦字後一解

綳跨也兩股各跨別也

先謙曰說文綳腰衣也故云兩股跨別也疑若今俗之套褲

褶襲也

畢沅曰說文襲重衣也从衣執聲此褶字乃俗作皮錫瑞曰周禮賈師注故書襲爲習杜子春云當爲襲儀禮

士喪禮襚者以褶則必有裳注古文褶爲襲左傳哀十年卜不襲吉東晉古文尙書作習玉篇戠古襲字覆上之言

也

先謙曰覆疑當作複復亦重也

禪衣言無裏也

畢沅曰說文禪衣不重也葉德炯曰方言四灼禪謂之禪郭注今又呼爲涼衣也案玉篇衣部

灼禪衣續下云約續謂之禪約續卽灼禪之異文則方言之禪是禪之誤矣

襦

畢沅曰此俗字也衣裳上下聯屬卽謂其衣爲屬世俗以其是衣名輒加大旁類如此者不一而足今雖仍之亦必加以

舉正使古文不盡泯云葉德炯曰此禮經續衽之類也深衣續衽注續猶屬也衽在裳旁者也屬連之不殊裳前後也據注云

云其制略與襦合蓋禮經有衽名無襦名成國分疏就當時語作釋其實襦字不見於說文亦不見於經典畢說以爲俗字是

也蘇輿曰廣雅釋器襦長襦也王氏念孫疏證云或作襦案御覽章服八引亦作襦晉書夏統傳服衽襦音義引字林云襦連

要衣屬也衣裳上下相聯屬也
畢沅曰一本

荊州謂禪衣曰布

褊亦曰褊褊畢沅曰亦曰今本誤作亦是據義改褊今本作褊
是也以褊褊字下屬言其褊褊宏裕也吳胡寅曰說文直裾謂
別為一條當從之之急就篇顏注褊褊直裾褊衣也謂之褊褊者取其褊褊而寬
裕也玉篇褊褊搖動貌褊褊為直裾衣褊為連腰衣漢書褊褊
屢見注皆不云即褊也畢連上為條誤

褊畢沅曰亦俗字也本草旁作說文褊射臂決也儀禮鄉射袒
決遂鄭注遂射褊也所以斂衣然則褊者著於左臂袖袖使
直者也因而謂直袖之衣為褊言若著褊然也先謙曰漢書東
方朔傳董君綵帟傳褊注褊即今之臂褊也後漢馬皇后紀注
褊臂衣今之臂褊以縛左右手於事便也集韻亦從巾作褊褊衣之無胡者也言袖夾直形

如溝也先謙曰說文胡牛頤垂也漢書郊祀志有龍垂胡顏注
胡謂頸下垂肉也本書釋形體胡互也在咽下垂能飲

互物也禮深衣袂圓以應規注謂胡下也釋文下垂曰胡蓋胡
是頸咽皮肉下垂之義因引伸為衣物下垂者之稱古人衣袖
廣大其臂肘以下袖之下垂者亦謂之胡今袖緊而直無垂下者故云無胡也

中衣言在小衣之外大衣之中也先謙曰晉繁欽定情詩何
以結愁悲白絹雙中衣

襦襦畢沅曰據下云一當胸一當背此兩當之義也亦不當有衣旁其一當胸其一當背也畢沅

曰一切經音義引也上有因以名之四字皮錫瑞曰儀禮鄉射

禮章當注直心背之衣曰當以丹韋爲之聶氏引舊圖幅長二

尺有足置韋當於背韋當長二尺廣一尺置幅之背上以藉前

據此則襦襦字古作兩當先謙曰案卽唐宋時之半背今俗謂

之背心當背當心

亦兩當之義也

帕腹橫帕其腹也

畢沅曰說文有帛無帕蓋後人移帛上之白置於旁爾說文新附有帕字云帛二幅也今

人謂與帕同莫駕反先謙曰晉書齊王冏傳時謠曰著布帕腹爲齊持服梁王筠詩襦襦雙心共一袂帕腹兩邊作八襖合成

國此釋猶可揣其遺製

南史周迪傳作袂腹

抱腹上下有帶抱裹其腹上無襠者也畢沅曰襠本字應作當

膺畢沅曰今本脫此字案楚詞悲回風云紕思心以爲纓兮編愁苦以爲膺王逸注膺絡胸者也則知此必當有下乃爲之

釋心衣抱腹而施鉤肩鉤肩之間施一襠以奄心也先謙曰奄掩同案此

製蓋卽今俗之兜肚

衫畢沅曰此俗字說文新附字乃有之芟也芟末無袖端也畢沅曰蓋短袖無袪之衣故曰芟末無袖

端初學記引作衣無袖端也芟不從葉德炯曰衫亦名偏禪方言四偏禪謂之禪禪郭注即衫也

有裏曰複無裏曰禪葉德炯曰說文複重衣也禪衣不重也吳翊寅曰此二句當在前禪衣條下衣襦皆

有禪複不專言衫也畢沅元本各為條非

反閉襦之小者也卻向著之領含於項畢沅曰今本脫含於項三字據御覽引補王啟

原曰漢書萬石君傳石建取親中裙廁牖身自浣洒注晉灼曰今世謂反閉小袖衫為侯胸反於背後閉其

襟也

婦人上服曰袿畢沅曰上服上等之服也鄭注周禮內司服云今世有圭衣者蓋三翟之遺俗案三翟王后六

服之上也故圭衣為婦人之上服今本圭字加衣旁俗也孫楷曰漢書元后傳衣絳緣諸于師古注諸于大掖衣即袿衣之類

又續漢志云自皇后以下皆不得服諸古麗圭袿閨緣加上之服此蓋袿衣之制其下垂者上廣下狹

如刀圭也皮錫瑞曰方言袿謂之裾郭注衣後裾也文選思元賦揚雜錯之袿徽漢書江充傳曲裾後垂交輸如渚

曰交輸割正幅使一頭狹若燕尾垂之兩旁見於後是禮深衣續衽鉤邊賈逵謂之衣圭蘇林曰交輸如今新婦袍上挂全幅緇角割名曰交輸裁也此言下垂者上廣下狹其制蓋同先謙曰釋器注釋文挂重緇爲飾刀泉刀也銳上方下曰圭言割緇節挂其下垂者或如泉刀形或如圭形也

襖畢沅曰此亦俗字說文所無緣也畢沅曰今本作襖也義正符今據改青絳

爲之緣也

裙下裳也裙羣也聯接羣幅也畢沅曰今本作裙下羣也連接裙幅也文有脫誤據御覽及廣

韻參訂補正之裙亦本作羣緝下橫縫緝其下也畢沅曰今本緝下云云提行別起據御覽引併人裙

下御覽所引此下猶有緝裙之施緣也句似申說緝下之義疑

一條例緣裙則緣裙又似不誤姑仍今本不敢遽改孫詒讓曰

畢校緝下併入裙下是也方言云繞袷謂之羣郭注俗人呼接

下江東通言下裳緝下即接下漢晉俗語同也緣裙裙施緣也

緣襦褕施緣也

帔披也披之肩背不及下也

葉德炯曰潛確類書引二儀寶錄云三代無帔說秦有披帛以縑帛

爲之漢即以羅晉永嘉中制縫暈帔子是披帛始於秦帔始於晉也愚按說文帔宏農謂帛帔也非此物此云披之肩背則是今之披肩矣然則帔實始於漢末不得云始於晉

直領邪直而交下亦如丈夫服袍方也

交領就形名之也

皮錫瑞曰案深衣曲袷如矩以應方注袷交領也古者方領如今小兒衣領正義曰古者

方領似今攤咽後漢書馬援傳朱勃衣方領能矩步注引前書音義領下施袷領正方學者之服也儒林傳曰服方領習矩步者委蛇乎其中注方領則直領也故成國分別言之

曲領在內所以禁中衣領上橫壅頸其狀曲也

畢沅曰禁中衣今本作中襟誤

也顏師古注急就篇曲領者所以禁中衣之領恐其上壅頸也蓋本諸此茲據以改正

禪褕如褕而無絮也

畢沅曰禪則無裏安得有絮不必言無絮矣禪當爲袷說文袷衣無絮也

要襦蘇輿曰要襦即腰襦御覽章服十二引晉令云旄頭羽林著韋腰襦又舊唐書倭國傳婦人衣純色帛長腰襦白居易

易詩妾有繡腰襦蕤縠形如襦其要上翹下齊要也自生光即此要正字

半袖其袂半襦而施袖也蘇輿曰晉書五行志魏武帝著繡帽披縹紱半袖常以見直臣楊阜諫曰

此禮何法服也唐書車服志半袖裙襦者東宮女史當供奉之服也即此又西陽雜俎載楚國寺內有楚哀王等身金銅像哀

王繡襖半袖猶在則半袖其來已久

留幕冀州所名大褶畢沅曰此褶亦當作褻下至膝者也留牢也幕絡也

言牢絡在衣表也先謙曰留牢雙聲淮南本經訓注楚人讀牢為雷雷从留聲士喪禮注牢讀為樓樓留聲

近皆其證也絡幕聲韻

袍丈夫著下至跗者也袍苞也苞內衣也先謙曰淮南子楚莊王襦衣博袍續漢志

或曰周公抱成婦人以絳作衣裳上下連四起施緣亦曰袍義

亦然也畢沅曰鄭注周禮內司服云婦人尚專一連衣裳不異其色先謙曰後漢馬后紀朔望諸姬朝請望見后袍衣

疏廣續志公主貴人妃以上重緣袍又不僅以絳作

齊人謂如衫而小袖曰侯頭侯頭猶言解瀆臂直通之言也

畢沅

曰解奚買反侯與解頭與瀆皆聲之轉王啟原曰靈帝初嗣封解瀆亭侯北堂書鈔百四十五引續漢書靈帝好胡服胡飯侯頭之制小袖則胡服也民間效之詭名侯頭

被被也所以被覆人也

畢沅曰今本脫所以二字據北堂書鈔御覽引增

衾广也其下廣大

畢沅曰說文衾大被

如广受人也

畢沅曰說文广因广為屋象對刺高屋之

形讀皆儼然之儼御覽如广下有之字

汗衣近身受汗垢之衣也詩謂之澤受汗澤也

畢沅曰詩秦風無衣與子同澤

鄭箋澤褻衣近汗垢皮錫璫曰周禮玉府注燕衣服者巾絮褻衣袍釋之屬賈疏引詩與子同澤說文釋縞也廣雅釋袍長襦也廣韻十六鐸釋褻衣曲禮疏引崔靈恩三禮義宗云凡衣近體有袍釋之屬或曰鄙袒或曰羞袒作之用六尺裁足覆胸背言羞鄙於袒而衣此耳

畢沅曰說文袒衣縫解也从衣

聲旦

襪貫也貫兩腳上繫要中也

畢沅曰說文襪从巾軍聲重文作襪从衣葉德炯曰史記司馬相如

傳相如自著犢鼻褌集解引章昭曰今三尺布作形如犢鼻矣

幅所以自偪束

畢沅曰幅今本作偪譌案詩采芣邪幅在下毛傳幅偪也以自偪束也據此改先謙曰吳校句

未有也字今謂之行滕偪也二字此處亦當有滕騰也三字

言以

裹腳可以跳騰輕便也

畢沅曰鄭箋采芣詩邪幅如今行滕也偪束其脛自足至膝葉德炯曰吳志呂

蒙傳為兵作絳衣行滕此軍容取其輕便古樂府有雙行纏詞雙行纏即行滕是古女子亦用之蓋歌舞時必跳騰與此則輕

便耳

韞末也在腳末也

畢沅曰說文韞足衣也从韋蔑聲一切經音義引作袪案玉篇云袪脚衣故後人亦以袪

也代韞

履禮也

畢沅曰周易序卦物畜然後有禮故受之以履是履之義禮也飾足所以為禮也

畢沅曰初

學記引無以字亦曰屨屨拘也所以拘足也畢沅曰今本無亦曰屨三

以抱足也合此比較則其抱字乃拘字之譌即引作亦曰抱也所

亦曰下脫兩屨字爾因據以增之又今本舄在履後屨在舄後

各提行別起御覽引亦曰云云承為禮也之下復其下云云承

抱足也之下案鄭注周禮履人復下曰舄禪下曰屨然則舄是

屨之複者此複其下曰舄謂複屨之下也自當承所以拘足也

之下遂據以更正之王先慎曰履人青句注句當為絢聲之誤

也絢謂之拘著舄屨之頭以為行戒士冠禮黑絢注絢之為言

拘也以為行戒正成國所本明此當為拘字御覽作抱誤畢說

是復其下曰舄舄腊也行禮久立地或泥溼蘇與曰二句御覽

立地故復其下使乾腊也畢沅曰今本作故復其末下據御覽

溼乾腊不畏泥溼齊人謂草屨曰屨畢沅曰今本草作韋初學記

也說與此同絲作之曰屨麻作之曰屨左僖四年杜注屨草屨則作草是今

本齊人以下屨行別起案說文屨屨屬則屨舄屨同類不應分

異據御覽引此上下文皆合為一遂從之併焉又案同方同物

不合有異名卜有齊人云搏腊此齊人謂三字蓋衍也不敢擅

刪識疑屨皮也以皮作之或曰不借畢沅曰屨皮也三字文有

可也

本無下或曰字無則上下文不屬故以意增之孫楷曰儀禮喪服傳繩菲注今時不借也孟子猶棄敝屣也趙岐注躋草履敝喻不惜齊民要術引四民月令云十月作白履不惜借借古音同方言菲屨麻作之者謂之不借急就章云裳韋不借爲牧人又漢文帝履不借視朝第諸說或云草履或云麻作之惟潛夫論云以皮作之與此同言賤易有宜各自

蓄之不假借人也

畢沅曰古今注不借者草履也以其輕賤易得故人人自有不假借於人故名不借也葉

德炯曰不借屨之合聲也此如爾雅不聿謂之筆之例下云齊

人云搏腊

畢沅曰今本齊人又提行別起亦據御覽引併合孫楷曰周禮弁師玉璆鄭讀如薄借綦之綦綦古文作

綦說文綦不借綦許所言不借綦猶鄭所云薄借綦文異搏腊實同薄借卽搏腊之轉音鄭君成國皆籍北海古齊地也

猶把作羸兒也

畢沅曰搏腊猶言不借聲少異爾恐非把作之義一本作把鮓當亦音之轉

曰羸

畢沅曰今本作羸不從艸說文羸艸履也从艸羸聲

羸措也

言所以安措足也

葉德炯曰方言羸屨屨也徐充之郊謂之羸自關而西

謂之屨中有木者謂之復舄絲作者謂之履麻作者謂之不借南楚江西之間總謂之羸成國諸義皆本此但方言舉齊究關

西南楚江沔此則兩舉齊人以雄所采者絕國之離詞劉所錄者近鄉之古音也

屨草屨也

先謙曰吳校無此句

屨躡也出行著之躡躡輕便

畢沅曰說文躡舉足行高

也故曰

因以爲名也

畢沅曰御覽引作屨草屨也出行著之云云兩者一

釋其物一釋其名義當備存之乃無歎葉德炯曰戰國策蘇秦贏滕履躡躡即屨也古字本通滕躡皆輕便之物

屨櫓也爲雨足櫓以踐泥也

畢沅曰今本兩作兩誤也據御覽引改案櫓者杜砥所以承柱使不

陷入地中屨以櫓足使可踐泥雖雨甚泥濘不陷入泥中也故曰屨櫓也爲雨足櫓以踐泥也櫓从木不从手諸本輒作手旁

者非也

韠跨也

畢沅曰說文無韠字新附有之云韠屬

兩足各以一跨騎也本胡服趙武

靈王服之

畢沅曰下九字今本脫北堂

今據補蘇輿曰御覽服章部作韠本胡名也趙武靈

王始服之

韠韠畢沅曰兩字皆說文所無韠之缺前壅者胡中所名也韠韠猶速獨畢沅

日音亦足直前之言也孫詒讓曰說文無鞮釋二字皇象碑本

此作也逸周書太子晉篇云師曠束躅其足孔注束躅踏也鍊

前之言

鞮解也著時縮其上如履然解其上則舒解也葉德炯曰說文革部鞮革生鞮

也淮南齊俗訓不亟於為文句疏短之

帛屨以帛作之如屨也畢沅曰說文屨屨也屨屨也王不曰帛

屨者屨不可踐泥也屨可以踐泥也畢沅曰今本作屨踐泥者也據御覽引改此亦

可以步泥而浣之故謂之屨也蘇輿曰御覽服章十二引云帛

屬而曰帛屨者屬不可以踐泥屨可以踐泥也故謂之屨

晚下畢沅曰當作鞮下方言云自關而如舄其下晚晚而危畢

曰晚晚常婦人短者著之可以拜也

作宛宛

鞞韋履深頭者之名也鞞襲也以其深襲覆足也

畢沅曰說文鞞小兒履也

義與此異

仰角

畢沅曰仰說文作鞞云鞞角鞞屬也从革印聲方言大鞞謂之鞞角郭注今漆履有齒者

屐上施履之

名也行不得蹶當仰履角舉足乃行也

王啟原曰方言已云鞞角說文引楊雄說故亦

云鞞角史游急就章鞞鞞印角褐襪巾假印為仰是有仰角之名如成國所言則今湘中之屐即其遺制

釋宮室第十七

宮穹也屋見於垣上穹隆然也

畢沅曰御覽引作屋見垣上穹隆也初學記爾雅疏引作言屋

見於垣上穹崇然也王啟原曰按爾雅大山宮小山霍宮固環繞之謂然山大自穹隆亦自有穹義曲禮疏論其四面穹隆則

謂之宮

室實也人物實滿其中也

畢沅曰御覽引脫人字爾雅疏引作言人物實滿於其中也王先慎曰說

文室實也廣雅同曲禮正義因其財物充實曰室室之言實也

室中西南隅曰奧不見戶明所在祕奧也畢沅曰爾雅西南隅謂之奧孫炎注室中

隱奧之處也西北隅曰屋漏禮每有親死者輒徹屋之西北隅薪以

爨竈煮沐供諸喪用畢沅曰喪用沐尸之用也禮喪大記說沐尸之事云管人受沐乃煮之甸人取所徹

廟之西北扉薪用爨之時若直雨則漏遂以名之也畢沅曰爾雅西北隅謂之屋漏孫注屋漏

者當室之白日光必取是隅者禮既祭改設饌于西北隅畢沅

所漏入說與此異禮特牲篇尸饗之後佐食徹尸薦俎敦設於西畢沅曰儀

北隅凡在南扉用筵納一尊佐食闔牖戶降今徹毀之示不

復用也東南隅曰窻窻幽也亦取幽冥也畢沅曰東南隅乃室

堂也明爽之處不得云幽冥說文官戶樞聲室之東南隅也則

當作窻爾雅東南隅謂之安郭注安亦隱闔蓋今之爾雅出於

郭璞頗多紕繆此襲釋名之謬而又譌安為窻也釋文安本或

作窻窻乃窻字之誤爾據此可知古之爾雅實作窻說文之所

也東北隅曰窻窻養也東北陽氣始出布養物也畢沅曰爾雅

也窻李巡注東北者陽氣始起育養萬物故曰窻中央曰中雷古

窻養也說文窻養也室之東北隅食所居也

者窠穴後室之雷當今之棟下直室之中古者雷下之處也畢沅

曰窠穴今本作窠穴訛案鄭注禮記月令中雷宿中室也土主中央而神在室古者窠穴是以名室為雷今據改

宅擇也擇吉處而營之也畢沅曰初學記御覽引釋吉上有言字

舍於中舍息也葉德炯曰公羊襄七年傳未至乎舍而卒也注舍昨日所舍止處也

宇羽也如鳥羽翼自覆蔽也葉德炯曰詩斯干如鳥斯革如翬斯飛正以鳥羽比興屋宇爾雅釋

樂羽謂之柳釋文引劉歆注羽宇也物聚蔽字覆之也是羽宇古又轉注均取覆蔽之義

屋奧也畢沅曰今本奧上衍其中溫奧也葉德炯曰易曰上棟下宇以待風雨蓋取

諸大壯案大壯卦上乾下震均陽卦也陽有溫奧之義屋奧本雙聲於字母同屬影字紐

宗廟宗尊也廟貌也先祖形貌所在也畢沅曰今本無首五字據北堂書鈔藝文類聚

初學記引增宗尊也三字則兼釋宗廟二字矣此書之中凡兼釋兩字者必先總目兩字乃後析其字而分釋之釋姿容篇正

多此例茲依仿之增宗廟二字

寢寢也所寢息也

葉德炯曰說文寢臥也臥休也均寢息之義爾雅釋宮室有東西箱曰廟無東西箱有室

曰寢公羊宣十六年傳注義同此與上廟貌也爲對文如宅舍屋宇之例畢於廟貌上增宗廟宗尊也五字非是

城盛也盛受國都也

王先慎曰說文城以盛民也从土从成成亦聲古今注城者盛也所以盛受民物也

郭廓也廓落在城外也

畢沅曰郭說文以爲齊之郭氏其城郭字作廓从回象城廓之重兩亭相對也

今則通用郭矣廓字亦不見說文

城上垣曰睥睨

畢沅曰當作倮倮

言於其孔中睥睨非常也

畢沅曰一切經音義

引作城上小垣曰睥睨言於孔中睥睨非常事也

亦曰陣

畢沅曰說文陣城上女牆倮倮也从自卑聲籀文作陣从

章左昭十八年傳子產授兵登陣

陣裨也言裨助城之高也亦曰女牆言其卑

小比之於城若女子之於丈夫也或名堞

畢沅曰說文作堞云城上女垣也从土葉

聲今則省去艸矣

取其重疊之義也

畢沅曰今本脫或名堞以下據一切經音義引增

寺嗣也治事者相嗣續於其內也

畢沅曰今本脫相字據一切經音義廣韻引增葉德炯曰

後漢和帝紀注引風俗通云寺者嗣也理事之吏嗣續於其中也此義所本又先武紀注引風俗通云寺者司也諸官府所止皆曰寺
別一義

廷停也人所停集之處也

畢沅曰今本脫下停字據廣韻引增

書郭太傳注引風俗通云廷正也言縣廷

獄确也

畢沅曰說文同王啟原曰詩行露傳獄确也正義引鄭

相質較爭訟者

言實确人情僞也

畢沅曰今本無言字人下

謂之牢

畢沅曰牢本所以開牛馬者其獄亦謂之牢史記天官書斗魁中有貴人之牢杓有賤人之牢

言所在

堅牢也又謂之圜土

畢沅曰周禮大司寇云以圜土聚教罷民鄭注圜土獄城也

言築土表

牆

畢沅曰今本作築其表牆據初學記御覽引增改

其形圓也

畢沅曰鄭注周禮比長

仁心求其情古之治獄閱於出之

又謂之圜圖

畢沅曰明堂月令仲春省圜圖鄭注圜圖所以禁守繫者若今

別獄

圜領也圖禦也領錄囚徒禁禦之也

蘇輿曰月令正義引蔡邕云圜牢也圜止

也所以止出入皆罪人所舍也又引崇精問曰獄周曰圜土殷
曰羑里夏曰均臺圜圖何代之獄焦氏答曰月令秦書則秦獄
名也漢曰若盧魏曰司空是也秦禁豈獨斷及廣雅並云周曰
圜圖據成國以圜土圜圖並釋是圜圖即圜土別稱一以形言
一以義言周獄有
二名也焦說非

亭停也亦人所停集也

畢沅曰御覽引無亦字葉德炯曰說文
亭民所安定也亭有樓从高省丁聲亭

定亦疊
韻字

傳傳也

蘇輿曰傳傳也當傳轉也傳轉形近而亂下轉轉即
釋轉字之義本書書契篇傳轉也轉移所在執以為

信也正

人所止息而去後人復來轉轉相傳無常主也

畢沅曰
今本轉

字不重據廣韻引增主廣韻御覽皆引作人不從葉德炯曰
程敦秦漢瓦當文字有櫻桃轉舍瓦是古傳舍字直作轉舍

瓦蹠也蹠確堅貌也

葉德炯曰古瓦有當向外瓦與當連如人
足之與蹠近世所傳漢瓦晉瓦整者尚多

亦其質之堅確故也說文瓦土器已
燒之總名以瓦釋瓦器與此義別

亦言蹠也在外蹠見也

畢沅

曰蹠字說文所無據外見
之義字當作蹠之義

梁彊梁也

先謙曰吳校彊上有言字釋宮宋廟謂之梁注梁屋大梁也莊子山木篇釋文彊梁多力也詩蕩疏彊梁

任威使氣之貌梁在屋上有居高負重之象故以彊梁訓之說文彊弓有力也屋梁橋梁皆以勁直負重為能合之可得彊梁

二字之誼

柱住也

畢沅曰說文無住字當作遇先謙曰文選東征賦注引蒼頡篇云駐住也是漢世有住字說文未收住駐柱皆

取止而不動之義本書釋姿容駐株也如株木不動也彼以株訓駐與此以住訓柱同意

櫨隱也所以隱櫨也

畢沅曰隱之言安也或謂之望言高可望也望與夔

音亦相近此下又別出夔先謙曰望與夔音似不近此義它書不見

或謂之棟

畢沅曰說文櫨夔也芬複屋棟也

棟中也居屋之中也

王啟原曰鄭注鄉射禮記序則物當棟云正中曰棟

櫨櫨也其形細而疏櫨也

吳翊寅曰說文櫨角長貌疑此當云櫨櫨也其形細而疎櫨也與獄櫨也

之櫨

或謂之椽椽傳也相傳次而布列也或謂之椽在櫨旁下

列衰衰然垂也

畢沅曰說文椽素名為屋椽周謂之椽齊魯謂之櫨案易漸釋文引作素曰椽周謂之椽

栢旅也連旅旅也

蘇輿曰御覽居處十六引作連旅之

或謂之櫓

畢沅曰櫓今本作櫓誤也據御

覽引改說文栢櫓也櫓秦名屋櫓聯也齊謂之櫓楚謂之栢

櫓絲也縣連櫓頭使齊平也

沅

曰說文櫓屋櫓聯也

上入曰爵頭形似爵頭也

孫詒讓曰淮南子本經訓縣聯房植

也縣連櫓櫓聯也高注縣聯聯受雀頭著柄者玲珽縣聯櫓北方方言屋栢謂之櫓郭注雀栢即屋櫓也亦呼為連縣連縣即縣連之倒文雀栢

亦即雀頭也

櫓眉也近前各兩若面之有眉也

畢沅曰今本脫各兩二字據廣韻引增蘇輿曰本書釋水

涓肩也臨水如眉臨目也涓眉並依聲取義說文栢眉也廣雅釋宮栢栢也士喪禮鄭注宇栢也室曰栢宇人曰眉宇並取雙

列下垂之義故得互稱矣

櫓儒

吳翊寅曰吳校作櫓櫓是也櫓與櫓同廣韻櫓梁上柱或作櫓論語藻祝皇疏梁上櫓即是櫓此及下櫓儒誤梁

上短柱也櫓儒猶侏儒短故以名之也

畢沅曰爾雅梁上櫓謂之稅孫炎注梁上侏儒

柱也漢書東方朔云侏儒長三尺餘則侏儒短人之僇遂以名短柱也葉德炯曰武梁祠石室畫像第三層有殿閣一所旁有

兩柱刻短人承屋格左柱直立以二手承之
右柱側立以一足承之殆亦因侏儒而取象

梧在梁上兩頭相觸梧也

畢沅曰梧下當有梧也二字今本梧
梧皆从牛旁譌也文選長門賦離樓

梧而相檉李善注引漢書音義臣瓚曰邪柱爲
梧又景福殿賦析梧複疊李善注梧柱也音梧

欒攀也其體上曲攀拳然也

畢沅曰文選張平子西京賦薛綜
注欒柱上曲木兩頭受檉者引此

作欒柱上
曲拳也

植在柱端如都盧負屋之重也

畢沅曰說文植柱上榑也都盧
善緣高者見漢書故以相况先

謙曰淮南本經訓注檉柱上榑即梁上短
柱也都盧見西域傳亦見文選西京賦

斗在欒兩頭如斗也斗負上員檉也

先謙曰斗負上員檉也吳
校作亦言斗上負檉也

竿迤也編竹相連迤迤也

畢沅曰說文竿迤迤也在瓦之下芬上
从竹乍聲葉德炯曰釋宮屋上薄謂

之筵郭注屋竿又漢武梁祠畫像顏淑握火題字蒸盞摘竿續
之竿即竿也事詳詩巷伯傳先謙曰屋竿迤迤近瓦下故取迤迤
爲義竿有迤義故竿迤互通詩雨無正箋其急竿且危急釋文
竿本作迤是也急用竹器多以竿名本書釋兵受矢之器織竹

日竿相迫竿之名也矢是迫急所用故簾亦受竿名又作作本書釋船引舟者曰作作作也作起也起舟使動行也起舟迫急之事故引舟者亦名竿也又編竹為橋以索貫之亦曰竿唐杜甫詩連竿動嫋嫋征衣嫋嫋余曾過之急起直行不容駐足數事皆與迫近義證合

屋脊曰葢葢蒙也在上覆蒙屋也畢沅曰說文葢屋棟也从瓦夢省聲蘇輿曰程氏易疇通

藝錄云葢者蒙也凡屋通以瓦蒙之曰葢故其字從瓦與此訓合但此專主屋脊言耳

壁辟也所以辟禦風寒也畢沅曰今本脫所以二字據御覽引增蘇輿曰御覽居處十五引禦作斷

牆障也所以自障蔽也畢沅曰說文牆垣蔽也从牆月聲蘇輿曰左昭元年傳人之有牆以蔽惡也

垣援也人所依阻以為援衛也蘇輿曰御覽居處十五引無依字

壙容也所以蔽隱形容也畢沅曰容之義為容受非取形容也說見前

籬畢沅曰籬上加竹俗字說文所無離也以柴竹作之疏離離然也畢沅曰今本無然字

棟一切經音義引增青徐曰椳椳居也居於中也蘇輿曰椳與椳同廣雅釋宮椳也也椳即今籍

字據上
篇音渠

柵蹟也以木作之上平蹟然也

先謙曰本書釋書契冊蹟也故使聲蹟不犯之也以蹟訓冊與

以蹟訓柵聲例相同平蹟猶整蹟意

又謂之徹徹緊也

畢沅曰今本徹從手旁俗也古通用徹先謙曰士冠

禮注徹斂也素問氣交變大論其化緊斂注緊 說說然緊也

先謙曰詩義斯傳

說說眾多也

畢沅曰殿本作殿御覽引作殿典也或非劉熙書

殿有殿鄂也

先謙曰殿鄂蓋不平之貌亦見釋形體釋言語篇

鄂作 陸卑也有高卑也天子殿謂之納陸言所以納人言之階陸也

畢沅曰漢書王莽傳注孟康云納內也謂鑿殿基際為陸不使

露也師古曰孟說是也尊者不欲露而升陸故內之於雷下也

諸家之釋義皆不了案此 書之說蓋亦頗所不取

階梯也如梯之有等差也

葉德炯曰周語夫婚姻禍福之階也

是階梯古本轉注說文亦云梯木階也
成國注孟子捐階云階梯也與此合

陳堂塗也畢沅曰爾雅堂塗謂之陳今本作途字言賓主相迎

陳列之處也畢沅曰儀禮鄉飲酒禮云主人與賓三揖鄭注三

處之

屏自障屏也畢沅曰爾雅屏謂之樹論語邦君樹塞門是自障

誘注屏樹垣也蘇輿曰御覽居處十三引風俗通云屏卿大夫

以帷士以簾稍有第以自障蔽也示臣臨見自整屏氣處也

蕭牆在門內蕭肅也臣將入於此自肅敬之處也畢沅曰今本

也又脫臣字據御覽引增改又敬字彼作警葉德炯曰論語季

氏而在蕭牆之內也集解引鄭注蕭之言肅也蕭牆謂屏也君

臣相見之禮至屏而加肅敬焉是以謂之蕭牆

宁佇也將見君所佇立定氣之處也畢沅曰兩佇字人旁亦後

之宁郭注人君視朝所宁立處尚不作人旁葉德炯曰

爾雅正義引孫炎注門內屏外人君視朝所宁立處也

序次序也

畢沅曰爾雅東西牆謂之序蘇輿曰御覽居處十三引爾雅總爲舍人注云殿東西堂序尊卑處與此次序義合郭注云所以

序別內外也別一誼

夾室在堂兩頭故曰夾也

葉德炯曰書洛誥王入太室裸釋文引馬注太室廟中之夾室卽此其前

堂曰廂爾雅釋宮室有東西廂曰廟疏引孫炎云夾室前堂儀禮覲禮注東廂東夾之前相相待事之處也禮注但云東夾其西夾可推而知蓋廟制中爲太室東西序外爲夾室夾室之前小堂爲東西廂此云在堂兩頭正當左右个之地亦如世說新語所云士龍住東頭士衡住西頭也

堂猶堂堂高顯貌也

畢沅曰藝文類聚御覽引皆不異初學記引作堂謂堂堂高明貌也中宗諱顯故改

之

房旁也室之兩旁也

畢沅曰今本作在堂兩旁也案古者宮室之制前堂後室堂之兩旁曰夾室室之兩

旁乃謂之房房不在堂兩旁也御覽引作室之兩旁也據改

楹亭也亭亭然孤立旁無所依也齊魯讀曰輕

吳明寅曰吳校作齊魯謂楹曰

輕案此與齊魯謂光爲枉齊人謂涼爲惠齊魯謂庫曰舍同例當從之 輕勝也孤立獨處能勝任

上重也 王先慎曰廣韻櫛輕在十四清亭在十五青青清同部勝在十六蒸與青清部不通段氏音韻表盈聲丁聲空

聲之字在十一部朕聲之字在六部蓋成國鄉音輕字重讀如勝故分別釋之

檐接也接屋前後也 畢沅曰今本作簷檐也接檐屋前後也據書以檐爲檐何字故簷訓爲檐謂相接檐

何屋前後也簷檐並從簷聲畢改非是

雷流也水從屋上流下也 畢沅曰說文雷屋水流也从雨雷聲葉德炯曰卽今之簷也漢以銅爲之

漢書宣帝紀金芝九莖產於函德殿銅池中注引如淳曰銅池承雷也是也簷字說文所無玉篇有之云以竹通水也蓋卽此

物

闕闕也在門兩旁中央闕然爲道也 畢沅曰今本脫闕也二字據藝文類聚引增葉德炯

曰說文闕門觀也水經穀水注引風俗通云門必有闕者所以飾門別尊卑也

罍罍在門外罍復也罍思也 畢沅曰說文無罍字御覽引無罍思也三字蘇興曰廣雅釋宮罍罍

謂之屏水經穀水注及御覽引竝作復思則思有直作復思者或作梓思見明堂位疏或作浮思見考工記匠人注或作覆思見宋玉大言賦或作思思見漢書文帝紀顏注其實一也古今注云思思屏之遺象漢西京思思合版爲之亦築土爲之每門殿舍前皆有焉於臣將入請事於此復重思之也畢沅曰漢遺使壞渭陵延陵園門思思曰毋使民復思也皮錫瑞曰明堂位疏屏注今梓思也刻之爲雲氣蟲獸如今闕上爲之矣正義人臣至屏俯伏思念其事梓思小樓也城隅闕上皆有之

觀觀也於上觀望也畢沅曰御覽引脫觀也二字葉德炯曰釋宮觀謂之闕詩子衿正義引孫炎注宮門雙闕舊章懸焉使民觀之因謂之觀

樓言牖戶諸射孔婁婁然也畢沅曰今本作樓謂牖戶之間有射孔樓樓然也御覽引作樓有戶隔諸孔婁婁然也茲從初學記所引初學記婁字加心旁譌也不可從說文婁空也作婁爲是

臺持也築土堅高能自勝持也畢沅曰初學記御覽引築土上有言字爾雅四方而高曰臺葉

德炯曰淮南俶真訓臺簡以游太清高誘注臺猶持也按說文握搯持也下重文列古文作臺與臺形近疑古握臺爲一字故

均有持訓也握从手屋聲屋从尸从至臺从止从至从高省說文凡二从字其一多兼聲屋臺疑均从至得聲至持一韻故聲義相通假也又屋下古文作臺亦與臺臺形相近

櫓露也露上無屋覆也

畢沅曰一切經音義引作櫓者露也謂城上守禦露上無覆屋也

門捫也在外爲人所捫摸也

畢沅曰初學記引在外上有言字

障衛也

吳翊寅曰吳校作闔衛也在內以自障衛也案障列此不類障衛聲亦不近闔與門對文當從之

戶護也所以謹護閉塞也

王啟原曰說文戶護也呂氏春秋君守篇中欲不出謂之局外欲不出謂

之閉言閉者專主止言小爾雅云戶止也

窻聰也於內窺外爲聰明也

畢沅曰窺御覽引作視廣韻引作見爲廣韻引作之案大戴盛德篇

一室而有四戶八聰是窻亦可作聰皮錫瑞曰風俗通十反篇恭人君者闔門開窻號眺博求左文十八年傳杜預注闔四門達四窻以賓禮眾賢蓋今文尙書四聰有作四窻者

屋以草蓋曰茨茨次也次比草爲之也

畢沅曰說文茨以茅葺蓋屋从艸次聲

寄止曰廬

畢沅曰止今本譌作上據一切經音義引廬廬也取改說文廬寄也秋冬去春夏居从广盧聲

自覆廬也

畢沅曰一切經音義引作取其止息覆廬也蘇輿曰晉語先主覆露子此覆廬猶云覆露廬露古同聲本

書釋天露廬也覆廬物也

草圓屋曰蒲蒲敷也總其上而敷下也又謂之庵

畢沅曰此俗字也又或奄

上加艸玉篇以莽爲古文菴皆不見於說文鄭注禮記喪服四制云闇謂廬也又注尙書無逸亦云闇廬也則此義當作闇

庵奄也所以自覆奄也

畢沅曰或曰說文有盒字云覆蓋也義亦可通於庵蘇輿曰御覽居處九引云

圓屋曰庵庵掩也自覆掩也

大屋曰廡

畢沅曰說文廡堂下周屋从广無聲

廡幪也幪覆也并冀人謂之庑

畢沅

曰并冀一切經音義引作幽冀玉篇同說文庑廡也从广牙聲

庑正也屋之正大者也

蘇輿曰御覽居

處九引風俗通云客堂曰庑先謙曰庑正也吳枝作庑雅也雅正也是

井清也泉之清潔者也井一有水一無水曰澗

畢沅曰名義本之爾雅

渴竭也

畢沅曰說文立部云竭負舉也義與此別水部云涸渴也渴盡也茲似當作渴音其薛反然詩召旻池之竭矣

不云自頻泉之竭矣不云自中相仍作竭已久故不改蘇輿曰爾雅郭注以爲山海經天井之類中山經云視山其上多韭有

井焉名曰天井夏有水冬竭此訓渴爲竭是其義也**汧有水聲汧汧也**畢沅曰說文汧激水聲也

竈造也創造食物也

畢沅曰創造今本作造創藝文類聚引作創造茲據以更之創字義與此異當作𩺰

俗以音同而誤通也周禮膳夫卒食以樂徹於造造謂造作食物之處

𩺰銓也銓度甘辛調和之處也

畢沅曰說文盂調味也从皿禾聲味相磨也从口禾聲今人率

通用和字

倉藏也藏穀物也

畢沅曰藏古但作臧才郎反俗書乃加艸說文倉穀臧也倉黃取而臧之故謂之倉从食

省口象倉形

庫舍也物所在之舍也

畢沅曰初學記引物上有言字**故齊魯謂庫曰舍也**畢沅

曰庫讀爲舍方言之異非有兩字也後漢時有庫鈞其先世爲守庫大夫以官爲氏者也庫字从广姓苑乃改广从厂是因有

異音而變文以別異之譌舛甚矣廣韻遂於禡部
舍下附一厂下著車之字音則是而文則非矣

廐矜也矜聚也

畢沅曰說文矜聚也从矜九聲讀若鳩

牛馬之所聚也

王啟原曰說文廐馬

舍也舊古文从九故云矜也牛舍古書無云廐者牛當作生
顏師古注急就篇云廐生馬所聚也全用本書文是其證

廩矜也寶物可矜惜者投之於其中也

畢沅曰顏師古注急就篇云京方倉也一曰京

之言矜也寶貴之物可矜惜者藏於其中也案師古注書好竊
前人之說辨爲已有凡所稱引輒沒其由來所稱一曰云云大
略與此文同其正引此書
與意此條之廩當爲京也

困縈也藏物縈束縛之也

葉德炯曰說文困廩之匱者从禾
在口中亦是在口中亦是在口中國謂之困方謂之京案禾

束縛之義

庾裕也言盈裕也露積之言也

畢沅曰說文庾字後一義云倉無屋者故曰露積

盈裕

不可勝受所以露積之也

王啟原曰不可勝受呂本作不可稱受

困屯也屯聚之也

畢沅曰說文屯從竹屯聲此困乃俗字

圖以草作之團團然也

畢沅曰說文篇以判竹團以盛穀也从竹耑聲此作團亦俗字王啟原曰本書

言以草作之與說文異故蒼頡篇亦作團云團倉也漢人則多從竹淮南子精神篇急就章俱言篇芑齊民要術種稻法淨淘種子漬經三宿漉出內草篇袁明言草作而字作篇

廁雜也

畢沅曰今本脫雜也二字據廣韻引增

言人雜廁在上非一也

畢沅曰今本脫廁字

據一切經音義御覽引增廣韻引作言人雜廁其上也

或曰溷

畢沅曰一切經音義引作圀

言溷濁也

或曰圖

畢沅曰圖亦俗字據一切經音義御覽引皆作清說文廁清也清夕音反下同蘇輿曰急就章云屏廁清溷糞

土壤字亦作清注云廁之言側也亦謂僻側也別一義

言至穢之處宜常修治使潔清也

或曰軒前有伏似殿軒也

孫詒讓曰後漢書李膺傳羊元羣罷北海郡賊罪狼籍郡舍溷軒有奇巧

載之以歸李注溷軒廁屋也論衡幸偶篇云均之土也或基殿屋或塗軒戶皆稱溷為軒之證

泥邇也邇近也

葉德炯曰泥邇古聲同易姤繫于金柅釋文引子夏易作繫于金鑠泥又與尼通漢夏堪碑仲

泥何憚即仲尼也說文尼從後近之與邇近也同訓成國此釋足見漢末音之近古以水沃土使相黏近

也

葉德炯曰易震震遂泥李鼎祚集解引虞注云坤土得雨爲泥

塗杜也杜塞孔穴也

蘇輿曰塗在說文新附字中當作涂塗杜雙聲小爾雅廣詁杜塞也

堊亞也次也先泥之次以白灰飾之也

畢沅曰說文云堊白涂也从土亞聲先謙曰吳

校次也上

有亞字是

塼猶煇煇細澤貌也

畢沅曰說文塼仰涂也从土既聲無煇字詩小雅斯干云嘒嘒其冥箋云嘒嘒猶煇

也寬明之貌書梓材云既勤垣墉惟其塗塼茨蓋加塗塼之功斯細澤而光明也

釋名疏證補卷第五